

## Воскресные службы постной Триоди Е. Кустовский

### От составителя

От составителя

В настоящей публикации мы предлагаем вниманию клирошан воскресные службы периода пения Триоди Постной. Как в уставном отношении, так и в насыщенности особо значимыми песнопениями, эти службы заставляют клиросных церковнослужителей встретить этот период с особым напряжением – как духовным, так и технологическим.

Наша книга является воскресным вариантом Триоди Постной. По замыслу составителя причина ее появления связана с несколькими обстоятельствами:

1. Воскресное служение в период Великого Поста существенно отличается от будничного, поэтому эта публикация отражает общие свойства только воскресных служб, не затрагивая материал будничного служения.<sup>1</sup>

2. Богослужбная книга Постная Триодь содержит как поющиеся, так и читаемые элементы служб. Наличие нашей публикации позволит регенту поставить на клиросе адаптированный для пения вариант Триоди, а саму Триодь отдать священнику или чтецу, поскольку читаемые разделы Триоди в этой публикации отсутствуют.

3. Составители Постной Триоди в ряде случаев предполагали, по-видимому, достаточно высокую квалификацию церковных певчих, поэтому позволяли себе экономное изложение материала, пропуская «по умолчанию» информацию, саму собой разумеемую. Тем не менее, мы не рискуем утверждать, что, например, стих «Возвеселюся и возрадуюся о Тебе...» (Неделя мясопустная, 3-я хвалитная стихира) с легкостью сможет наизусть закончить каждый регент со своим хором. Этот пример, наряду с ему подобными, заставили нас несколько подробнее сформулировать многие указания Триоди. Поэтому наша публикация отличается от Триоди не только разделителями в стихирах и русской

транскрипцией текста, но и более подробными (по сравнению с оригиналом) уставными комментариями.

4. Между различными публикациями песнопений в Неделю Крестопоклонную существуют неизбежные разночтения, касающиеся упоминания Царского титула в тропаре, кондаке и отдельных стихирах этой службы. Поскольку четкого указания Богослужбной комиссии на этот счет к моменту составления публикации не существует, ограничимся пожеланием не исполнять песнопения этой службы по разным изданиям одновременно.

5. Мы включили в публикацию не только безусловно уставную информацию, содержащуюся в Триоди, но и рекомендации к наиболее распространенным традициям Русской Православной Церкви. Так, например, в этой книге помещен чин молебна в Неделю Торжества Православия, содержатся указания на место помещения в вечерних службах акафиста Страстям Христовым – Пассии. Чинопоследование Пассии мы не ввели в публикацию, памятуя о том, что оно недавно издано Московской Патриархией (и, кстати отметить, отлично издано!). Тем не менее мы сочли уместным включить в нотное приложение песнопения Страстей Христовых, не вошедших в патриархийное издание.

6. После основного текста воскресных служб мы помещаем таблицы Марковых глав, содержащих устав соединения этих служб с основными праздниками Минеи, приходящимися на этот период Сретения, Обретения главы Иоанна Предтечи, Сорока мучеников и Благовещения. Практика показывает, что изложение устава в форме таблиц сильно облегчает его прочтение, и эту форму использовали такие авторитетные толкователи устава, как В. Розанов, К. Никольский, А. Неаполитанский, А. Свирелин и др.

7. Нотное приложение к публикации рассчитано на различные составы, как по количеству голосов, так и по уровню сложности. Тем не менее, следуя традициям наших изданий, основной музыкальный материал рассчитан на небольшой смешанный состав и не отличается особой вычурностью. Приложение содержит как широко известные произведения,

наподобие «Покаяния» А. Веделя, или «На реках Вавилонских» Крупицкого, так и песнопения, никогда ранее не опубликованные. Мы включили в нотное приложение две катавасии, которых нет в известных нотных ирмологиях А. Львова, А. Архангельского, П. Чеснокова и др., но тем не менее они являются важным элементом в своих службах. Публикуемые катавасии («Моисейскую песнь...» и «Божественный прообрази...») принадлежат распеву Троице-Сергиевой лавры, и гармонизованы в соответствии с нормами современного обихода.

Надеемся, что эта книга придаст уверенности и спокойствия руководителю церковного хора (а особенно начинающему) на воскресной всенощной, когда настанет время воззвать с клироса к православному народу:

– Не помолимся фарисейски, братие...

Е. Кустовский

## Неделя, в нюже чтется священное и святое Евангелие притчи о мытаре и фарисее<sup>2</sup>

В субботу вечера, о предначинательном псалме, стихословим Блажен муж: 1-ю кафисму всю.

На Господи возвах: поставим стихов 10, и поем Осмогласника стихирь воскресны 3 и анатолиевы 4 и Триоди самогласны две, повторяюще первую.

Глас 1:

Стих: Яко у Господа милость и многое у Него избавление / и Той избавит Израиля от всех беззаконий его.

Не помолимся фарисейски, братие: / ибо возносяй себе смирится. / Смирим себе пред Богом, / мытарски пощением зовуще: // очисти ны, Боже, грешныя.

Стих: Хвалите Господа вси языцы / похвалите Его вси людие.

Паки таяжде стихира.

Стих: Яко утвердися милость Его на нас / и истина Господня пребывает во век.

Фарисей тщеславием побеждаемь, / и мытарь покаянием приклоняемь, / приступиста к Тебе Единому Владыце; / но ов убо похвалився, лишися благих, / ов же ничтоже вещав, сподобися дарований. / В сих воздыханиих утверди мя, Христе Боже, / яко Человеколюбец.

Слава, глас 8:

Вседержителю Господи, / вем, колико могут слезы: / Езекию бо от врат смертных возведоша, / грешную от многолетних согрешений избавиша, / мытаря же паче фарисеа оправдаша: // и молюся, с ними причтав, помилуй мя.

И ныне, Богородичен догматик гласа.

На литии стихира святого обителя, по обычаю.

Слава, глас 3:

Мытаря и фарисеа различие разумевши душе моя, / онаго убо возненавидь гордынный глас, / оваго же ревнуй

благоумилённой моли́тве, и возопи́й: // Бо́же, очи́сти мя грёшнаго, и помилуй мя.

**И ныне, глас тойже:**

Без се́мене от Божёственного Ду́ха, / волею же Отчею зачала́ Сы́на Бо́жия, / от Отца́ без Ма́тере прёжде век су́ща; / нас же ра́ди, из Тебе́ без Отца́ бывша, / плоти́ю родила́ еси́, / и Младёнца млеко́м пита́ла еси́. / Те́мже не преста́й моли́ти, // изба́виться от бед душáм нáшим.

**На стиховне стихиры Октоиха.**

**Слава, глас 5:**

Отягчёнными́ очима́ моима́ от беззаконий мо́их, / не могу́ възрети́ и видети́ высоту́ небёсную: / но приими́ мя, яко мытаря́ ка́ющася, Спа́се, // и помилуй мя.

**И ныне, глас тойже:**

Храм и дверь еси́, / пала́та и престол Царёв, / Де́во Всечестна́я, / Ею́же Изба́витель мой, Христос Господь, / во тьме спящим явися, / Со́лнце сый пра́вды, просвети́ти хотя́, / я́же созда́ по образу́ Своему́ руко́ю Своею́. / Те́мже Всепетая, / яко Ма́терне дерзнове́ние к Немú стяжавшая, / непреста́нно моли́ спасти́ся душáм нáшим.

**Тропарь: Богородице Де́во: трижды.**

**На утрени,**

**по шести псалмех, Бог Господь: на глас осмогласника. И глаголем тропарь воскресен дважды, Слава, и ныне: Богородичен его, и обычныя кафисмы. Седальны Октоиха. По непорочных тропари: Ангельский собор: Ипакои гласа. Степенны и прокимен гласа; Всякое дыха́ние: Евангелие воскресно ряду. Воскресе́ние Христо́во:**

**Слава, глас 8:**

Покая́ния отве́рзи ми двéри, Жизнода́вче, / у́тренюет бо дух мой ко хра́му свято́му Твоему́, / храм нося́й телёсный весь оскверне́н: / но яко Щедр, очи́сти // благоутро́бною Твоею́ ми́лостию.

**И ныне, Богородичен:**

На спасёния стези́ наста́ви мя, Богородице, / студными́ бо окаля́х ду́шу грехми́, / и в лёности все житиё моё ижди́х: // но Тво́ими моли́твами изба́ви мя от всякия нечистоты́.

**Таже, глас 6:**

Помилуй мя, Бóже / по велицей милости Твоей / и по множеству щедрот Твоих, / очисти беззаконие мое.

Множества содеянных мною лютых, / помышляя окаянный, / трепещу страшнаго дне суднаго; / но надеяся на милость благоутробия Твоего, / яко Давид вопию Ти: // помилуй мя, Боже, по велицей Твоей милости.

**Канон воскресен Осмогласника, со ирмосом на 4, и Крестовоскресный на 2, и Богородицы на 2; и в Триоди на 6.**

**Катавасия Триоди, глас 4: Песнь 1:**

Отверзу уста моя, / и наполнятся Духа, / и слово отрыгну Царнице Матери, / и явлюся, светло торжествуя, // и воспою, радуясь, Той чудеса.

**Песнь 3:**

Твоя песнословцы, Богородице, / Живый и Независтный Источнике, / лик себе совокупльшия / духовно утверди в Божественней Твоей славе // венцев славы сподоби.

**Песнь 4:**

Седяй в Славе / на Престоле Божества / во облаце легце, / прииде Иисус Пребожественный / Нетленною Дланию и спасе зовущия: // слава Христе, силе Твоей.

**Песнь 5:**

Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.

**Песнь 6:**

Божественное сие и всечестное / совершающе празднество, / Богомудрии, Богоматере, / приидите, руками воспещим, // от Нея рождшагося Бога славим.

**Кондак, глас 4:**

Фарисеева убежим высокоглаголения, / и мытареве научимся высоте глаголь смиренных, / покаянием зывающе: / Спасе мира, // очисти рабы Твоя.

**Ин кондак, глас 3:**

Воздыхания принесем мытарская Господеви, / и к Нему приступим грешнии, яко Владыце: / хощет бо спасения всех

челове́ков, / оставле́ние подаёт всём ка́ющимся, / нас бо ра́ди  
воплоти́ся, Бог сый, // Отцу́ Собезнача́льный.

**Песнь 7:**

Не послужи́ша тва́ри Богому́дрии / па́че Созда́вшего, / но,  
огненное преще́ние му́жески попра́вше, / ра́довахуся, пою́ще: //  
препе́тый отцев Го́сподь и Бо́г, благослове́н еси́.

**Песнь 8:**

Отроки благочесті́выя в пещи́ / Рождество́ Богоро́дичо  
спасло́ есть; / тогда́ у́бо образу́емое, / ны́не же де́йствуемое, /  
вселенну́ю всю воздви́зает пе́ти Тебе́: / Го́спода по́йте, дела́, // и  
превозно́сите Его́ во вся ве́ки.

**Таже, Честне́йшую:**

**Песнь 9:**

Всяк земнородный / да взыграется, Духом просвещаемь, /  
да торжествует же Безплотных умов естество, / почитающее  
священное торжество́ Богома́тере, / и да вопи́ет: / ра́дуйся,  
Всеблаже́нная Богоро́дице, // Чи́стая Присноде́во.

**На хвалитех стихиры воскресны Осмогласника, 4.**

**И Триоди самголасны 4:**

**Стих:** Хвалите́ Его́ в тимпа́не и ли́це, / хвалите́ Его́ во  
стру́нах и орга́не.

Не помо́лимся фарисе́йски, бра́тие: **Писана на вечерне.**

**Стих:** Хвалите́ Его́ в кимва́лех доброгласных, хвалите́ Его́ в  
кимва́лех восклицáния, / всякое дыха́ние да хва́лит Го́спода.

Фарисе́й тщесла́вием:

**Глас 3:**

**Стих:** Воскресни́ Го́споди, Бо́же мой, да вознесе́тся рука́  
Твоя́, / не забуди́ убо́гих Твои́х до конца́.

Мытаря́ и фарисе́а разли́чие разуме́вши, душе́ моя, / она́го  
у́бо возненави́ждь горды́нный глас; / ова́го же ревну́й  
благоумиле́нной моли́тве, и возопи́й: // Бо́же, очисти́ мя  
грешна́го и поми́луй мя.

**Стих:** Испове́мся Тебе́, Го́споди, всем се́рдцем мо́им, /  
пове́м вся чудеса́ Твоя́.

Фарисе́а велехва́льный глас ве́рнии возненави́девши, /  
мытаре́вой же благоумиле́нной моли́тве поревнова́вши, / не

высо́кая му́дрствуем, / но себѣ смиря́юще, со умилѣнием  
воззовѣм: // Бóже, очисти грехи́ на́ша.

**Слава, глас 8:**

От дел похвалѣньми, / фарисѣа оправда́юща себѣ осудил  
еси́ Господи, / и мытаря́ смирившася, и въздыханьми очищения  
прося́ща оправдал еси́: / не внима́еши бо велемудреннѣм  
помыслóм, / и сокрушенна́я сердца́ не уничижа́еши. / Тѣмже и  
мы Тебѣ припада́ем во смиреніи, / пострада́вшему нас ра́ди: //  
пода́ждь оставлѣние и вѣлию мѣлость.

**И ныне:** Преблагословѣнна еси́ Богородице Дѣво:

**Славословие великое, и отпуст. И обычно литія в притворе,  
в нейже поем: Слава, и ныне: Стихиру утреннюю Евангельскую.  
И час первый.**

**Подобает ведати, яко стихиры вся 11 утренния  
Евангельския, от сея настоящія недели, и даже до всех святых,  
на литіях поются в притворе, на Слава, и ныне. Аще убо не  
служим литіи в притворе, поем Евангельскую стихиру без  
Слава, и ныне: по отпусте утрени.**

**На Литургии,**

**блаженны Осмогласника, и от канона Триоди песнь 6–я.  
Прокимен прилучившегося гласа. Апостол к Тимофею, зачало  
296. Аллилуія гласа. Евангелие от Луки, зачало 89. Причастен:  
Хвалите Гóспода с небѣс:**



## Неделя, в нюже чтется священное и святое Евангелие притчи о блудном сыне

В субботу вечера,  
по предначинательном псалме, по обычном стихословии, на  
Господи возвах: поставим стихов 10, и поем стихиры  
Осмогласника воскресны 3, и анатолиевы 3, и Триоди 4,  
повторяющие сия.

Глас 1:

Стих: От стражи утренния до нощи, от стражи утренния, / да  
уповает Израиль на Господа.

В безгрешную страну и животную вверихся, / посеяв грех,  
серпом пожав класы лености, / и рукоятием связав деяний моих  
снопы, / яже и постлах не на гумне покаяния; / но молю Тя  
превечнаго Делателя нашего Бога, / ветром Твоего  
любоблагоутробия развеи плеву дел моих, / и пшеницу даждь  
души моей оставление, / в небесную Твою затворяя мя житницу,  
// и спаси мя.

Стих: Яко у Господа милость и многое у Него избавление / и  
Той избавит Израиля от всех беззаконий его.

Паки таяжде стихира

Стих: Хвалите Господа вси языцы / похвалите Его вси  
людие.

Познаим, братие, тайнства силу, / от греха бо ко Отеческому  
дому востекшаго блуднаго сына / преблагий Отец предъусрет,  
лобзает, / и паки Своея славы познание дарует; / и  
таинственное вышним совершает веселие, / закалая тельца  
упитаннаго, / да мы достойно сожителствуем, / заклавшему же  
человеколюбному Отцу, / и славному заколению, // Спасу душ  
наших.

Стих: Яко утвердися милость Его на нас / и истина Господня  
пребывает во век.

Паки таяжде стихира

Слава, глас 2:

О, колких благ окаянный себе лиших! / О, какова Царствия  
отпадох страстный аз! / Богатство изнурих, еже приях, заповедь

преступих. / Увы мне, страстная душе! / огню вечному прочее осудиши. / Темже прежде конца возопий Христу Богу: / яко блуднаго приими мя сына, Боже, // и помилуй мя.

**И ныне, Богородичен 1-й гласа.**

**На литии стихира храма.**

**Слава, глас 4:**

Яко блудный сын приидох и аз щедре, / житие все иждивый во отшествии. / Расточих богатство, еже дал еси мне отче; / приими мя кающася Боже, // и помилуй мя.

**И ныне, Богородичен:**

Призри на моления Твоих раб, Всенепорочная, / утоляющи люта на ны востания, / всякия скорби нас изменяющи: / Ты бо едину, твердое и известное утверждение имама; / и Твое предстательство стяжанием, / да не постыдимся, Владычице, Ты призывающи, / потщися на умоление, Тебе верно вопиющих: / радуйся, Владычице, / всех помощи, радости и покрове, // и спасение душ наших.

**На стиховне Осмогласника.**

**Слава, глас 6:**

Отческаго дара расточив богатство, / с безсловесными скоты пасохся окаянный, / и тех желая пищи, / голодом таях не насыщаяся, / но возвратився к благоутробному Отцу, / взываю со слезами: / приими мя яко наемника / припадающа человеколюбю Твоему, // и спаси мя.

**И ныне, Богородичен:**

Творец и Избавитель мой, Пречистая, / Христос Господь из Твоих ложесн прошед, / в мя оболкийся, / первые клятвы Адама свободи. / Темже Ти, Всечистая, / яко Божии Матери же и Деве, / воистинну вопием немолчно: / радуйся, ангельски, радуйся Владычице, / предстательство и покрове, // и спасение душ наших.

**По Нине отпускаеши:**

**тропарь Богородице Дево: трижды.**

**На утрени, на Бог Господь, тропарь воскресен дважды.**

**Слава, и ныне, Богородичен его.**

**По кафисмах седальны Осмогласника.**

Таже полиелей, обычныя два псалма: припеваем же к сим и третий псалом, На реках вавилонских: с аллилуйею красною: Степенны и прокимен гласа.

Всякое дыханіе. Евангелие утреннее. Таже, Слава, глас 8: Покаянія отвори ми двери: и прочее, писано в неделю мимошедшую.

Канон воскресный, со ирмосом на 4, и крестовоскресный на 2, и Богородицы на 2, и Триоди на 6.

Катавасия Триоди, глас 2:

Песнь 1:

Моисейскую песнь воспримши, возопий, душе: / Помощник и Покровитель бысть мне во спасение, / сей мой Бог, / и прославлю Его.

Песнь 3:

Неплодствовавший мой ум / плодоносен, Боже, покажи ми, / Делателю добрых, Насадителю благих, / благоутробием Твоим.

Седален, глас 1.

Подобен: Гроб Твой:

Объятия Отца отвори ми потщися, / блудно иждих мое житие, / на богатство неизживаемое взираяй щедрот Твоих, Спасе, / ныне обнищавшее мое сердце не презри. / Тебе бо, Господи, во умилении зову: // согреших, Отче, на небо и пред Тобою.

Слава, тойже. И ныне, Богородичен:

Безвестная Чистая Богородице Дево, / едина верных предстательнице и покрове, / бед и скорбей, и лютых обстояний, всех свободи, / на Тя надежды Отроковице имущих, // и души наша спаси Божественными молитвами Твоими.

Песнь 4:

Еже от Девы Твое рождество пророк предзря, / возпроповедаше, вопия: / слух Твой услышах и убояхся, / яко от юга и из горы святая приосененная / пришел еси Христе.

Песнь 5:

Ночи прешедшей, приближися день, / и Свет миру возсия, / сего ради хвалят Тя Ангельстии чини / и славословят Тя всяческая.

Песнь 6:

Во глубинѣ греховней содержимъ есмь, Спасе, / и в пучине житѣйстей обуреваемъ, / но, якоже Иону от звѣря, / и менѣ от страстѣй возведи и спаси мя.

**Кондак, глас 3:**

Отѣческия славы Твоея удалихся безумно, / в злых расточив, еже ми предал еси богатство. / Тѣмже Ти блуднаго глас приношу: / согрѣших пред Тобою, Отче щедрый, / прими мя кающася, // и сотвори мя яко единого от наемник Твоих.

**Песнь 7:**

Херувимы подражающе, отроцы / в пещи ликовствовашу, вопиюще: / благословен еси, Бже, / яко истинною и судом навел еси сия вся грех ради наших, / препетый и препрославленный во вся веки.

**Песнь 8:**

В купинѣ Моисею Дѣвы чудо / на Синайстей горѣ Прообразившаго иногда, / пойте, благословите / и превозносите во вся веки.

**Таже, Честнейшую:**

**Песнь 9:**

От земнородных кто слыша таковое / или кто виде когда, / яко Дѣва обретется, во чреве имущая / и безболѣзненно Младенца порождающая? / Таковое Твое чудо, и Тя, Чистая Богородице, величаем.

**Ексапостиларий Осмогласника. Таже Триоди.**

На хвалитех стихиры Осмогласника воскресны, 4, и анатоліев 1, и Триоди, самогласны, 3.

**Глас 2:**

**Стих:** Хвалите Его в кимвалех доброгласных, хвалите Его в кимвалех восклицанія, / всякое дыханіе да хвалит Господа.

Блуднаго глас приношаю Ти, Господи: / согрѣших пред очима Твоима, Благий, / расточих богатство Твоих дарованій. // Но прими мя кающася, Спасе, и спаси мя.

**Глас 4:**

**Стих:** Воскресни, Господи Бже мой, да вознесется рука Твоя, / не забуди убогих Твоих до конца.

Яко блудный сын приидох и аз, Щедре, / житие все иждивый во отшествіи; / расточих богатство, еже дал ми еси, Отче: //

приими́ мя ка́ющася, Бо́же, и поми́луй мя.

**Глас 8:**

**Стих:** Испове́мся Тебе́, Го́споди, всем се́рдцем мо́им, / пове́м вся чуде́са Твоя́.

Ижди́х блу́дно оте́ческаго импе́ния бога́тство, / и расточи́в, пуст бых, / в страну́ всели́вся лука́вых гра́ждан, / и ктому́ не терпя́ с ни́ми сожи́тельства, / обра́щясь вопию́ Ти, ще́дрому Отцу́: / согреша́х на не́бо и пред Тобо́ю, / и несмы́ досто́ин нареши́ся сын Твой; / сотвори́ мя я́ко еди́наго от наёмник Твои́х, // Бо́же, и поми́луй мя.

**Слава, глас 6:**

Отче Благо́й, удали́хся от Тебе́, не оста́ви мене́, / ниже́ непотре́бна покажи́ Ца́рствия Твоего́: / враг вселука́вый обнажи́ мя и взят моё бога́тство, / душе́вная дарова́ния блу́дно расточи́х. / Воста́в у́бо обра́щясь к Тебе́, вопию́: / сотвори́ мя, я́ко еди́наго от наёмник Твои́х; / мене́ ра́ди на кресте́ пречи́стии Твои́ ру́це простри́й, / да лю́таго зве́ря исхити́ши мя, / и в пе́рвую оде́жду облече́ши мя, // я́ко еди́н Многоми́лостив.

**И ныне:** Преблагослове́нна еси́ Богоро́дице Де́во:

**Славословие великое. Ектении и отпуст.**

**Стихира Евангельская, и час первый.**

**На Литургии,**

**блаженны Осмогласника, на 6, и от канона Триоди песнь 6–я, на 4. Прокимен прилучившегося гласа. Апостол к коринфянам, зачало 135. Аллилуия гласа. Евангелие от Луки, зачало 79. Причастен: Хвалите Го́спода с не́бес:**

## Неделя мясопустная

В субботу вечера,  
по предначинательном псалме, по обычном стихословии, на  
Господи возвах: поставим стихов 10, и поем стихиры  
Осмогласника воскресны 3, и атолиевы 3, и Триоди подобны  
4.

**Глас 6. Подобен:** Всю отложивше:

**Стих:** От стражи утренния до нощи, от стражи утренния, / да  
уповает Израиль на Господа.

Егда хощеши приити, / суд праведный сотворити, / Судие  
Праведнейший, / на престоле славы Твоея седяй, / река  
огненная пред Твое судилище ужасающая влечет всех, /  
предстоящим Тебе небесным силам, / человеком же судимым  
страхом, / якоже кождо содела; / тогда нас пощадй, / и части,  
Христэ, сподоби спасаемых, // яко благоутробен, верою молим  
Тя.

**Стих:** Яко у Господа милость и многое у Него избавление / и  
Той избавит Израиля от всех беззаконий его.

Книги разнутся, / явлена будут деяния человек / пред  
нестерпимым судилищем: / возшумит же юдоль вся страшным  
скрежетанием плача, / вся видящи согрешившия, / вечнующим  
мукам, / судом праведным Твоим отпускаемая, / и бездельно  
плачущия, Щедре. / Темже Тя молим, Блаже: / пощадй нас,  
поющих Тя, // едице Многомилостиве.

**Стих:** Хвалите Господа вси языцы / похвалите Его вси  
людие.

Возгласят трубы, и истощатся гробы, / и воскреснет  
человеческое все естество трепещущее, / добрая содеявшии, в  
радости радуются, / чающе мзду восприяти; / согрешившии же  
трепещут, / люте рыдающе, в муку посылаеми, / и от избранных  
разлучаеми. / Господи славы, / ущедри нас, яко Благий, // и  
части сподоби возлюбивших Тя.

**Стих:** Яко утвердися милость Его на нас / и истина Господня  
пробывает во век.

Плачу и рыдаю, / егда в чувство прииму́ огонь вѣчный, / тьму кромѣшную, и тартар, / лю́тый червь, скрежет же паки зу́бный и непреста́нный, / болѣзнь имущу́ быти без мѣры согрѣшившим, / и Тебѣ Преблага́го нра́вом лука́вым прогна́вавшим, / от нихже еди́н и пер́вый есмь аз окая́нный; / но, Судие, мѣлостію Твоею спаси́ мя, // яко Благоутрѣбен.

**Слава, глас 8:**

Егда́ поставятса престѣли и отвѣрзутса кнѣги, / и Бог на судѣ сядет, / о, кий страхъ тогда́, а́нгелом предстоя́щим в стра́се / и реце́ огненной влеку́щей! / Что сотворимъ тогда́, / во мно́гих гресѣхъ повѣннии челове́цы? / Егда́ же услышимъ зову́ща Егѣ, / благословѣ́нныя Отца́ в Ца́рство, / грѣшныя же отсыла́юща в му́ку; / кто потерпитъ стра́шнаго она́го изрече́ния? / Но, еди́не Человеколю́бче Спа́се, Царю́ веко́в, / прѣжде да́же кончина́ не приспѣет, // пока́нием обратѣв, помѣлуй мя.

**На литии стихира храма.**

**Слава, самогласен, глас 7:**

Господни разуме́вше за́поведи, тако́ поживѣм: / а́лчущія напита́им, жа́ждущія напо́им, / нагія облече́м, страна́ныя введе́м, / боля́щія и в темни́це сущія посетѣ́им; / да рече́т и к нам хотя́й судѣти все́й земли́: / приидѣ́те благословѣ́ннии Отца́ Моегѣ, // насле́дуйте угото́ванное вам Ца́рствіе.

**И ныне, Богородичен:**

Под кровъ Твой, Влады́чице, / вси земноро́днии прибега́юще вопіе́м Ти: / Богоро́дице, упова́ние на́ше, / изба́ви ны от безме́рных прегрѣше́ний, // и спаси́ ду́ши на́ша.

**На стиховне стихиры Осмогласника по алфавиту.**

**Слава, глас 8:**

Увы́ мне, мрачная́ душѣ, / доко́ле от злыхъ не отрѣва́ешися? / доко́ле уны́ніемъ слезѣши? / что не помышля́еши о стра́шном часѣ́ сме́рти? / что не трепѣщеши́ вся стра́шнаго судища́ Спасова? / убо́ что отвѣщаеши? / или́ что отречеши? / Дела́ твоѣ́я предстоя́тъ на обличѣ́ние твоѣ́, / дея́нія облича́ют клевету́ща. / Прѣ́чее, о душѣ́, вре́мя наста́; / тецы́, предвари́, ве́рою возопѣ́й: / согрѣши́х, Господи, согрѣши́х Ти: / но вемъ, Человеколю́бче, благоутрѣ́бие Твоѣ́, / Па́стырю до́брый, / да не разлучи́ши мене́ одесну́ю Тебѣ́ предстоя́ния, // вели́кія ра́ди мѣлості Твоея́.

### И ныне, Богородичен:

Безневѣстная Дѣво, / яже Бѣга неизречѣнно зачѣнши плѣтию, / Мати Бѣга Вышняго, / Твоихъ рабѣв мольбѣи приими, Всенепорѣчная, / всемъ подающе очищѣние прегрѣшеній, / ныне наша молѣния приѣмлющи, // моли спастися всемъ намъ.

По Нѣи не отпускаеши:

тропарь Богородице Дѣво: трижды.

На утрени,

на Бог Господь: тропарь воскресен дважды. Слава, и ныне, Богородичен его.

По кафисмахъ седальны Осмогласника.

Таже полиелей, обычныя два псалма: припеваемъ же къ симъ и третій псаломъ, На рекахъ Вавилонскихъ: И абие, Ангельскій соборъ:

Степенны и прокимен гласа. Всякое дыханіе:

Евангелие утреннее. Воскресѣніе Христова:

Таже, Слава, глас 8: Покаянія отвѣрзи ми двѣри: и прочее.

Канон Октоиха воскресен, со ирмосомъ на 4, и Богородицы на 6, и Триоди на 8.

Катавасія Триоди, глас 6:

Песнь 1:

Помощникъ и Покровитель / бысть мнѣ во спасѣніе, / Сей мой Богъ, / и прославлю Его, Богъ отца моего, / и вознесу Его, // славно бо прославися.

Песнь 3:

Утверди, Господи, / на камени заповѣдей Твоихъ / подвигшееся сердце мое, // яко Единъ Святъ еси и Господь.

Седален, глас 6:

Помышляю день страшный, / и плачуся деяній моихъ лукавыхъ; / како отвѣщаю Безсмертному Царю? / кѣмъ же дерзновениемъ смотрю на Судію блудный азъ? / Благоутробный Отче, / Сыне Единородный, // Душе Святыи, помилуй мя.

Слава:

Во юдоли плача, / в мѣсте еже положилъ еси, / егда сядеши Милостиве, / сотворити праведный судъ, / не объяви моя тайная, / ниже посрами мене предъ ангелы, // но пощади мя Бѣже и помилуй мя.



**И ныне:**

Упование мiра благая Богородице Дeво, / Твое и единое страшное предстательство молю: / умилосердися на удобообстоятельныя люди, / умоли милостиваго Бoга, / избавитися душам нашим от всякаго прещения, // едина Благословенная.

**Песнь 4:**

Услыша пророк / пришествие Твое, Господи, и убояся, / яко хочещи от Девы родитися / и человеком явитися, и глаголаше: / услышах слух Твой и убояхся; // слава силе Твоей, Господи.

**Песнь 5:**

От нoщи утренююща, Человеколюбче, / просвети, молюся, / и настави и мене на повеления Твоя, // и научи мя, Спасе, творити волю Твою.

**Песнь 6:**

Возопих всем сердцем моим / к щедрому Бoгу, / и услыша мя от ада преисподняго, // и возведе от тли живот мой.

**Кондак, глас 1:**

Егда приидеши. Бoже, на землю со славою, / и трепещут всяческая; / река же огненная пред судищем влечет, / книги разгибаются, и тайная являються: / тогда избави мя от огня неугасимаго, // и сподоби мя одесную Тебе стати, Судие Праведнейший.

**Песнь 7:**

Согрешихом, беззаконновахом, / неправдовахом пред Тобю, / ниже соблюдохом, ниже сотворихом, / якоже заповедал еси нам, / но не предаждь нас до конца, // отец Бoже.

**Песнь 8:**

Егоже воинства Небесная славят, / и трепещут Херувими и Серафими, / всяко дыхание и тварь, / пойте, благословите // и превозносите во вся веки.

**Песнь 9:**

Безсеменнаго зачатия рождество несказанное, / Матере безмужныя Нетленен Плод, / Божие бо рождение обновляет естества. / Темже Тя, вси роди, / яко Богоневестную Матерь, // православно величаем.

**Таже:** Свят Господь Бог:

**Ексапостиларий воскресный. И Триоди, писан наряду.**

**На хвалитех стихиры Октоиха, 5.**

**И Триоди, глас 6:**

**Стих:** Хвалите Его в кимвалех доброгласных, хвалите Его в кимвалех восклицания, / всякое дыхание да хвалит Господа.

Помышляю день оный и час, / егда имамамы вси нази и яко осуждени, / неумытному Судий предстати, / тогда труба возшумит вельми, / и основания земли подвижатся, / и мертвии от гробов воскреснут, / и возрастом едином вси будут, / и всех тайная явлена предстанут пред Тобою / и возрыдают, и восплачутся, / и во огонь кромешный отидут, / иже никогдаже покающаяся; / и в радость и веселие, // праведных жребий внидет в чертог небесный.

**Стих:** Исповемся Тебе, Господи, всем сердцем моим, / повем вся чудеса Твоя.

**О,** каковый час тогда, и день страшный, / егда сядет Судия на престоле страшном! / книги разгибаются, и деяния обличаются, / и тайная тьмы явлена бывають, / ангели обтекают, собирающе вся языки. / Приидите, услышите, цари и князи, / раби и свободни, / грешницы и праведницы, богати и нищи; / яко грядет Судия, хотяи судити всей вселенней. / И кто претерпит пред Лицем Его, / егда ангели предстанут, / обличающе деяния, помышления, и мысли / яже в ночи и во дни? / О, каковый час тогда! / Но прежде даже не приспее кончина, / потщися зовущи, душе: / Боже, обратив, спаси мя, // яко един Благоутробен.

**Глас 8:**

**Стих:** Возвеселюся и возрадуюся о Тебе, / пою Имени Твоему, Вышний.

Даниил пророк, муж желаний быв, / властительное Божие виде, сиче вопияше: / Судия седе, и книги разгнушася. / Блуди, душе моя, постиши ли ся? / ближняго Твоего не презри. / От брашен воздержши ли ся? / брата Твоего не осуждай; / да не во огонь отсылаема сориши яко воск, // но да без потковения введет тя Христос в Царствие Своё.

**Глас 1:**

**Стих:** Воскресни́, Го́споди Бо́же мой, да вознесётся рука́ Твоя́, / не забуди убо́гих Твои́х до конца́.

Предочи́тим себе́, бра́тие, ца́рицею добродете́лей: / се бо при́де, бога́тство нам благи́х подаю́щи: / страсте́й утоля́ет дме́ния, / и Влады́це примиря́ет прегрешивши́я. / Те́мже с весе́лием сию́ при́мем, вопи́юще Христу́ Бо́гу: / воскресы́й из ме́ртвых, неосу́ждены нас сохрани́, // славосло́влящия Тя еди́наго Безгрешнаго.

**Слава:** паки таяжде стихира.

**И ныне:** Преблагословенна еси́: **Славословие великое и отпуст.**

**На первом часе стихира евангельская. На часех Слава: тропарь воскресен, И ныне: Богородичен. По Трисвятом кондак Триоди.**

**На Литургии,**  
**блаженна Осмогласника, на 6, и от канона Триоди песнь 6–я, на 4.**

**Прокимен, глас 3:** Вэ́лий Го́сподь наш и вэ́лия крэ́пость Егó, / и ра́зума Егó не́сть числа́. **Стих:** Хвалите́ Го́спода, я́ко благ псалóм, Бо́гови на́шему да усладится́ хвалéние. **Апостол к коринфянам, зачало 140.**

**Аллилуия, глас 8:** Приидите́ возра́дуемся Го́сподеви, воскликнем Бо́гу Спасителю́ на́шему. **Стих:** Предварим лице́ Егó во исповедании, и во псалмéх воскликнем Ему́.

**Евангелие от Матфея, зачало 106. Причастен:** Хвалите́ Го́спода с небес: **Другий:** Ра́дуйтесь пра́веднии о Го́споде:

## В неделю сыропустную, изгнание Адамово

Бдение обычное.

В субботу вечера,

по предначинательном псалме, стихословим: Блажен муж: кафисму всю.

На Господи возвах: поставим стихов 10. И поем Осмогласника на 6, сиесть воскресны 3 и Анатолиевы 3.

Таже и Триоди 4 стихиры глас 6:

Подобен: Всю отложивше:

Стих: От стражи утренния до нощи, от стражи утренния, / да уповает Израиль на Господа.

Создатель мой Господь, / персть от земли прием мя, / живоносным дуновением вдушив оживи, / и почте на земли начальствующа видимыми всеми, / и ангелом купножителя. / Сатана же лстивый, сосуд змия употребив, / снедию прельсти, и Божия славы разлучи, / и преисподнейшей смерти предаде в землю: // но яко Владыка и Благоутробен, паки воззови.

Стих: Яко у Господа милость и многое у Него избавление / и Той избавит Израиля от всех беззаконий его.

Одежды Боготканная совлекохся окаянный, / Твое Божественное повеление преслушав, Господи, / советом врага, и смокóвным листвием, / и кожными ризами ныне облекóхся; / потом бо осужден бых хлеб трудный снести; / терние же и волчец мне принести, / земля проклята бысть. / Но в последняя лета Воплотивыйся от Девы, // воззав мя введи паки в рай.

Стих: Хвалите Господа вси языцы / похвалите Его вси людие.

Раю всечестный, краснейшая доброто, / Богозданное селение, / веселие некончаемое и наслаждение, / славо праведных, пророков красотó, / и святых жилище, / шумом листвий Твоих Содетеля всех моли, / врата отверсти ми, яже преступлением затвори, / и сподобитися древа животного прияти, // и радости, еяже прежде в Тебе насладихся.

**Стих:** Яко утвердися мѣлость Его на нас / и истина Господня пребывает во век.

Адам изгнан бысть из рай преслушанием, / и сладости извержен, / женскими глаголы прельщенный, / и наг седит, села, увы мне, прямо рыдая. / Темже потщимся вси время подъяти поста, / послушающе Евангельских преданий; / да сими благоугодни бывше Христу, // рай жилище паки воспримем.

**Слава, глас 6:**

Седе Адам прямо рай, / и свою наготу рыдая плакаше: / увы мне, / прелестию лукавою увещанну бывшу / и окрадену и славы удалену, / увы мне, / простотою нагу, / ныне же недоуменну! / Но, о рай, / ктому твоея сладости не наслаждуся; / ктому не узрю Господа и Бога моего и Создателя: / в землю бо пойду, / от неяже и взят бых, / Милостиве Щедрый, вопию Ти: // помилуй мя падшаго.

**И ныне, догматик гласа.** Свете тихий: **Вход.**

**На литии стихира храма.**

**Слава, глас 6:**

Солнце лучи скры, / луна со звездами в кровь преложися, / горы ужасошася, холми вострепеташа, / егда рай заключися. / Исходя Адам руками бия в лице, глаголаше: // Милостиве, помилуй мя падшаго.

**И ныне, Богородичен:**

Таинственно воспеваем Тя Богородице Марие, / явилася еси престол Великаго Царя, / сень всевятая, небес ширшая, / херувимская колесница, / вышшая же серафимов, чертог славы; / из Тебе бо пройде воплотивыйся всех Бог. // Того моли спастися душам нашим.

**На стиховне, Осмогласника.**

**Слава, глас 6:**

Изгнан бысть Адам из рай снедию, / темже и сидя прямо сего рыдаше, / стена умиленным гласом, и глаголаше: / увы мне, что пострадах окаянный аз: / едину заповедь преступих Владычню, / и благих всяческих лишихся! / Рай святейший, / мене ради насажденный быв, / и Евы ради затворенный, / моли тебе Сотворшаго, и мене Создавшаго, / яко да Твоих цветов исполнюся. / Темже и к нему Спас: / Моему созданию не хочу

поги́бнути, / но хо́щю́ сему́ спасти́ся, / и в позна́ние и́стины прии́ти, // я́ко гряду́щаго ко Мне не изгоняю вон.

**И ныне, Богородичен:**

Творе́ц и Изба́витель мой, Пречи́стая, / Христо́с Госпо́дь из Твои́х ложе́сн проше́д, / в мя оболкíйся, / пёрвыя кля́твы Ада́ма свободí. / Те́мже Ти, Всечи́стая, / я́ко Бо́жи Мате́ри же и Де́ве, / вои́стинну вопие́м немол́чно: / ра́дуйся, а́нгельски, ра́дуйся Влады́чице, / предста́тельство и покрóве, // и спасе́ние душ на́ших.

Ни́не отпу́щаеши: **По Трисвятом тропарь** Богоро́дице Де́во: трижды.

**На утрени,**

**на Бог Госпо́дь: тропарь воскресен дважды.**

**Слава, и ныне, Богородичен.**

**И полиелей, припеваем же и третий псалом, На река́х Вавило́нских: якоже указася в неделю о блудном сыне. И абие, Ангельский собо́р:**

**Степенны и прокимен гласа. Всякое дыха́ние:**

**Евангелие утреннее. Воскресе́ние Христо́во: и псалом 50.**

**Слава, глас 8: Покая́ния отвёрзи ми двéри: и прочее.**

**Каноны Октоиха: Воскресен, со ирмосом на 4, Крестовоскресен на 2 и Богородицы на 4, и Триоди на 6.**

**Катавасия Триоди, глас 6:**

**Песнь 1:**

Яко по су́ху пешешествовав Изра́иль, / по бе́здне стопáми, / гони́теля фарао́на / ви́дя потопля́ема, // Бо́гу побéдную песнь по́йм, вопия́ше.

**Песнь 3:**

Несть Свят, / якоже Ты, Го́споди Бо́же мой, / вознеси́й рог ве́рных Твои́х, Бла́же, / и утверди́вый нас на ка́мени // испове́дания Твоего́.

**Песнь 4.**

Христо́с моя́ си́ла, / Бог и Госпо́дь, / честна́я Це́рковь / Боголе́пно поёт взыва́ющи, // от смы́сла чи́ста о Го́споде пра́зднующи.

**Песнь 5:**

Бóжиим свѣтом Твоим, Блáже, / ўтренующих Ти дѹши  
любовию озари, молюся, / Тя вѣдети, Сло́ве Бóжий, / Истиннаго  
Бóга, // от мра́ка грехо́внаго взыва́юща.

**Песнь 6:**

Жите́йское мо́ре / воздвизáемое зря напáстей бурею, / к  
ти́хому пристáнищу Твоему́ прите́к вопи́ю Ти: / возведи́ от тли  
живо́т мой, // Многоми́лостиве.

**Кондак, глас 6:**

Премудрости Наставниче, смысла Подателю, / немудрых  
Наказáтелю, и ни́щих Защи́тителю, / утверди́, вразуми́ се́рдце  
моё, Влады́ко! / Ты даждь ми сло́во, Отчее Слово, / се бо устне́  
мои́ не возбраню́, / во е́же зва́ти Тебе́: // Ми́лостиве, помилуй мя  
па́дшаго.

**Конец кондака припеваем и к икосу, четырежды.**

**Песнь 7:**

Росода́тельну ўбо пещь / соде́ла Ангел / преподо́бным  
отроко́м, / халде́и же опаля́ющее / велéние Бóжие, / мучи́теля  
увещá вопити: // благословéн еси́ Боже отец наших.

**Песнь 8:**

Из пламене преподобным росу источил еси, / и праведнаго  
жертву водою попалил еси; / вся бо твориши, Христэ, то́кмо е́же  
хотéти, // Тя превозно́сим во вся вéки.

**Таже:** Честне́йшую:

**Песнь 9:**

Бóга / челове́ком невозмо́жно ви́дети, / на Него́же не сме́ют  
чи́ни Ангельстии взира́ти; / Тобо́ю же, Всечи́стая, яви́ся  
челове́ком / Сло́во воплощённо, / Его́же велича́юще, // с  
небе́сными во́и Тя ублажа́ем.

**Таже:** Свят Госпо́дь Бóг:

**Ексапостиларий воскресный. Слава: Триоди, писан наряду  
И ныне: тамже.**

**На хвалитех стихиры Октоиха, 5.**

**И Триоди сия, самогласны, глас 5:**

**Стих:** Хвалите́ Его́ в кимва́лех доброгласных, хвалите́ Его́ в  
кимва́лех восклицáния, / всякое дыха́ние да хва́лит Го́спода.

Увы́ мне, Адам рыданием возопи, / яко змий и женá  
Божественнаго дерзновения изринуша мя; / и райския сладости



древа снѣдь отчуждѣи. / Увѣи мене, не терплѣю прѣчее поношѣния; / иногда царь сый земных всех созданий Божиих, / ныне пленник явѣхся от единого беззаконного совета; / и иногда славою безсмертия облечен сый, / умерщвления кожу, яко смертный окаянно обношѣю. / Увѣи мене, когѣ рыданий содѣйственника сотворю? / Но Ты, Человеколюбче, от земли Создавый мя, / во благоутробие оболкийся, // работы вражия свободы, и спаси мя.

**Стих:** Исповѣмся Тебѣ, Господи, всем сердцем моим, / повѣм вся чудеса Твоя.

Попреще добродетелей отверзеса, / хотящии страдальчествовати видите, / препоясавшеса добрым поста подвигом: / законно бо страдальчествуящии, / праведно венчаются. / И восприимше всеоружие креста, / врагу сопротивимся, / яко стену нерушимую имуще веру, / и яко щит молитву, и шлем милостыню, / вместо меча пост, иже отсекает от сердца всю злобу. // Твори сие, истинный примет венец от Всецаря Христа в день судный.

**Глас 6:**

**Стих:** Возвеселюся и возрадуюся о Тебѣ, / пою Имени Твоему, Вышний.

Адам из рая отгонится, / пищи причастився, яко преслушник; / Моисей Боговидец бысть, / постом очи душевныя очистив. / Темже рая жителие быти возжелевше, / изменимся от непользныя пищи, / и Бога зрети желаяще, / Моисейскую четверицу десятиц постимся, / молитвою и молением чисто терпяще; / утолим душевныя страсти, / отженем плотския сласти, / легцы к горнему шествию перейдем, / идеже ангельстии лица немолчными гласы Нераздельную воспевают Троицу, / зрети недоуменную доброту и Владычню. / Таме сподоби нас, Сыне Божий Жизнодавче / на Тя надеющихся, / ликовати со ангельскими воинствы, / рождшия Тя Матере, Христе, молитвами, // и апостол, и мученик, и преподобных.

**Стих:** Воскресни, Господи Боже мой, да вознесется рука Твоя, / не забуди убогих Твоих до конца.

Приспе время, духовных подвигов начало, / на демоны победа, / всеоружное воздержание, / ангельское благолепие, / к Богу дерзновение: / тем бо Моисей бысть Зиждителю



собесѣдник, / и глас невидимо в слухи прият. / Господи, тем сподоби и нас поклонитися Твоим страстем, / и святому воскресению, // яко Человеколюбец.

Слава, тойже. И ныне: Препоблагословенна еси: Славословие великое и отпуст.

На первом часе стихира евангельская. На часех Слава: тропарь воскресен, И ныне: Богородичен. По Трисвятом кондак Триоди.

На Литургии,

блаженна гласа, на 6, и от канона Триоди песнь 6–я, на 4. Прокимен, глас 8: Помолитесь и воздадите Господеви Богу нашему. Стих: Вѣдом во Иудѣи Бог, во Израѣили вѣлие Имя Его. Апостол к римляном, зачало 112. Аллилуия, глас 6: Благо есть исповѣдаться Господеви, и пѣти Имени Твоему Вышний. Евангелие от Матфея, зачало 17. Киноник: Хвалите Господа с небес:

## В туюжде неделю сырную вечера

стихословим предначинательный псалом, посем мирная ектеня.

Стихословия не бывает.

На Гóсподи воззвáх: поставим стихов 10. И поем 4 стихиры покаянны от Осмогласника на ряду гласа, яже суть писаны две на стиховне вечерни и две на утренней стиховне в понедельник [Такожде и в прочия недели, даже до пятыя недели Святыя Четыредесятницы].

И Триоди 3 стихиры, глас 2.

Подобен: Егдá от дрéва:

**Стих:** Аще беззакóния нáзриши, Гóсподи, Гóсподи, кто постоит? / яко у Тебé очищéние есть.

Воздержанием тело смирити вси потщимся, / божественное преходя поприще непорочнаго поста / и молитвами и слезами / Гóспода спасающаго нас възьщем, / и забвение злóбы всеконéчное сотворим, вопиюще: / согрешихом Ти, спаси, / якоже дрéвле ниневитяны, Христé Царю, / и óбщники ны сотвори Небéснаго Цáрствия, // Благоутрóбне.

**Стих:** Имене рáди Твоегó потерпéх Тя Гóсподи, потерпé душá моя в слóво Твое, / уповá душá моя на Гóспода.

Себé отчаявáю, помышляя делá моя, Гóсподи, / всякаго мучéния достóйная; / се бо презрév честнýя Твоя, Спасе, зáповеди, / блóдно моé житиé иждих. / Тémже молюся, / тучами мя покаянныя очíстив, / постом и молéнием, яко Едйн Милостивый, просвети, / и не гнушáйся менé // Благодéтелю всéх, и Преблагий.

**Стих:** От стражи úтренния до нóщи, от стражи úтренния, / да уповáет Израиль на Гóспода.

Пóстное врéмя свéтло начéм, / к подвигом духóвным себé подложивше, / очíстим дýшу, очíстим плóть, / постимся якоже в снédех от всякия стрáсти, / добродéтелями наслаждающиеся духа: / в нихже совершающиеся любовию, / да сподóбимся вси видети всечестнýю страсть Христá Бóга, / и Святýю Пáсху, // духóвно рáдующеся.

И Минеи стихиры рядовому святому, 3. **Аще имать святой, Слава: стихиру самогласну. Аще ли несть, Слава, и ныне: Богородичен во глас Минеи, от меньших. Вход с кадильницею. Свѣте тихий:**

**Прокимен великий, глас 8:**

Не отврати́ лица́ Твоего́ от о́трока Твоего́, яко скорблю́, скоро услы́ши мя. / Вонми́ души́ мое́й, и избáви ю.

**Стих:** Спасѣние Твое́ Бóже, да при́имет мя. **Стих:** Да ўзрят нѣщии, и возвеселя́тся.

**Стих:** Взыщѣте Бóга, и живá бѹдет душá вáша.

**И паки высочайшим гласом:** Не отврати́ лица́ Твоего́:

**Таже, Сподóби Гóсподи: и ектенія просительная.**

**На стиховне стихиры самогласны**

**Глас 4:**

Возсия́ благодáть Твоя́ Гóсподи, / возсия́ просвещѣние душ на́ших. / Се врѣмя благопріятное, се врѣмя покая́нія, / отложимъ делá тьмы́, / и облечѣмся во ору́жие свѣта; / яко да преплы́вше поста́ великую пучи́ну, / в триднѣвное воскресѣние достѣгнем, / Гóспода и Спáса на́шего Иису́са Христа́, // спаса́ющаго дѹши на́ша.

**Стих:** К Тебѣ воздвиго́х о́чи мой, живу́щему на небесѣ. Се яко о́чи раб в руку́ господѣй своих, яко о́чи рабы́ни в руку́ госпожи́ своея́; тако́ о́чи на́ши ко Гóсподу Бóгу на́шему, / дóндеже ущѣдрит ны.

**Паки таже стихира.**

**Стих:** Помѣлуй нас, Гóсподи, помѣлуй нас, яко по мно́гу испóлнихомся уничи́женія; наипáче напóлнися душá на́ша поношѣнія гобзѹющих / и уничи́женія гóрдых.

**Мученичен:**

Прославля́емый в пáмяти святы́х Твоѣих, Христѣ́ Бóже, / от них умоля́емъ, // низпослѣ́ нам вѣлю́ю мѣлость.

**Слава: святаго Минеи, аще есть. И ныне: Богородичен, по гласу Минеи. Аще же ни, Слава, и ныне: Богородичен, глас тойже:**

Ангельстии чѣни Тя Богомáти прославля́ют: / Бóга бо Всечистая родила еси, / Отцу́ и Духа соприсносу́щна, / и ангельская во́инства от не сѹщаго хотѣнием поста́вивша. / Егóже

моли́ от тли́ спасти́ / и просвети́ти ду́ши правосла́вных, // Тя воспевающих, Всечистая.

Ны́не отпу́щаеши: Трисвятое: По Отче наш: **Тропари, глас 4:**

Богоро́дице Де́во, ра́дуйся, Благода́тная Мари́е, Господь с Тобою: / благословенна Ты в женах, и благословен Плод чре́ва Твоего́, // я́ко Спа́са родила́ еси́ душ на́ших.

**И творим поклон един.**

Слава: Крестите́лю Христов, всех нас помяни́, / да изба́вимся от беззако́ний на́ших: // Тебе́ бо даде́ся благода́ть молиться за ны. **Поклон един.**

**И ныне:** Моли́те за ны святы́и апо́столи, святы́и вси, / да изба́вимся от бед и скорбе́й: // вас бо те́пल्या предста́тели ко Спа́су стяжа́хом. **Поклон един.**

Под Твое́ благоутробие прибегаем, Богородице, / моления на́ша не прэзри во обстоя́нии: // но от бед изба́ви ны, Еди́на Чы́стая, Еди́на Благословенная. Без поклона.

**И абие чтец:** Го́споди помилуй, 40 раз, **кротким и тихим гласом.** **Слава, и ныне:** Честне́йшую херувим: Именем Господним благослови́ отче.

**Священник:** Сый благословен:

**Чтец:** Амíнь. **И молитву:** Небе́сный Царю́, ве́ру утверди́, язы́ки укроти́, мир умири́, святы́й храм сей (**святу́ю оби́тель сию́**) до́бре сохрани́; прэжде отше́дшия отцы́ и бра́тию на́шу в селе́ниих пра́ведных учини́, и нас в покая́нии и испове́дании приими́, я́ко благи́й и Человеколюбец.

**И творим три поклоны великия, и глаголет иерей молитву преподобнаго Ефрема Сирина:**

Го́споди и Влады́ко животá моего́, дух прáздности, уны́ния, любонача́лия, и прáздносло́вия не даждь ми. **Поклон.**

Дух же целому́дрия, смиреному́дрия, терпе́ния, и любве́, да́руй ми рабу́ Твоему́. **Поклон.**

Ей Го́споди Царю́, да́руй ми зрети́ моя́ прегреше́ния, и не осужда́ти бра́та моего́, я́ко благословен еси́ во ве́ки веко́в, амíнь. **Поклон.**

**И глаголет предстоятель:** Сла́ва Тебе́ Христе́ Бо́же, упова́ние на́ше, сла́ва Тебе́. **И бывает совершенный отпуст.**

По отпусте же творим по обычаю чин прощения. Глаголет предстоятель слово покаянное, и подходит кийждо ко Честному Кресту, и просит прощения у предстоятеля и братии во гресех своих. Мы же припеваем стихиры покаянны, кии да волиши.

## Неделя первая святого поста, в нюже православие воспоминается

На малей вечерни поставим стихи 4, и поем стихиры подобныя. Творение Николая, глас 1.

**Подобен:** Небесных чинѡв:

**Стих:** От стражи утренняя до нѡщи, от стражи утренняя, / да уповает Израиль на Господа.

Нѡне благочестия свѣтлость всем распрострѣся, / разгоняющи леть нечестия яко ѡблакъ, / просвѣщающи же сердца благочестивых; / приидите вси припадѣм, / благочестивомудренно честным иконам Христовым // поклоняющиеся православнии.

**Стих:** Яко у Господа милость, и многое у него избавление, / и Той избавит Израиля от всех беззаконий Его.

Священнообразными иконами / нѡне украшается, / яко невеста украшена Христова церковь, / и всех созывает духовно праздновати; / снѣдемся во единомыслии и вере, // радостно величающе Господа.

**Стих:** Хвалите Господа вси языцы, / похвалите Его вси людие.

Мѡре весь веселѣся: / се бо Господь низложѣ с высотѣ / нечестия державу / неизреченным промыслением. / И смиреннии вознесѡхомся днѣсь к вере православия, // благочестивою Царицею наставляеми.

**Стих:** Яко утвердѣся милость Его на нас, / и истина Господня пребывает во век.

**К** Первообразному носится, / глаголет Васѣлий, честь иконы: / сегѡ ради в любви почитаем иконы / Спаса Христа, и святых всех; / да сих собравше, // никогдаже нѡне злочестием отведемся.

**Слава, и ныне, Богородичен:**

Безначальным, и Божественным естеством невидимый, / человек виден бысть Отроковице, / от чистых Твоих кровей, за

кра́йнее благоутро́бие; / Егóже плóти написáвше подóбие, /  
чéстно поклоня́емся вси вéрнии, // и благочéстно велича́ем.

**На стиховне, глас 2.**

**Подобен:** Дóме Евфра́фов:

Губительства тлетворнаго / избéгше злосла́вных, /  
правосла́вия сия́нием, / сердца́ми просвети́мся, // вéрнии, Бо́га  
сла́вляще.

**Стих:** Принеси́те Го́сподеви / чéсть и сла́ву.

Ариева нечи́стая / упраздни́ся прéлесь, / Македо́ния,  
Петра́, / Севи́ра же и Пíрра; // и свéтит Свет Трисóлнечный.

**Стих:** Поклони́тесь Ему́ / во дворе́ святéм Егó.

Не ктому́ злочестивых / похваляется мрачное учение: / Бог  
бо правосла́вным, / изволением Феодоры, // жезл крепости дает.

**Слава, и ныне, Богородичен:**

Вознесла́ еси́ / смире́нных рог Богоро́дице, / ро́ждшая Бо́га  
Сло́ва; / те́мже вéрно Тя вси // чту́ща велича́ем.

**Тропарь, Пречистому Образу Твоему́: И бывает отпуст.**

**На велицей вечерни,**

**по предначинательном псалме стихословим** Блаже́н му́ж:  
кафисму всю.

**На Господи возвах, поставим стихов 10. И поем стихиры на  
6, воскресны 3 и Анатолиевы 3, Осмогласника. Таже и Триоди 4  
стихиры глас 6.**

**Подобен:** Всю́ отложи́вше:

**Стих:** От стра́жи у́тренния до но́щи, от стра́жи у́тренния, / да  
упова́ет Изра́иль на Го́спода.

Тя Непостижи́мага, / прéжде денни́цы безнача́льно из  
Невещéственного возсия́вшаго, / безплóтнаго же чрэва  
Роди́телева, / проро́цы, Го́споди, Твои́м Ду́хом вдохнове́ни, /  
прорекóша отроча́ бы́ти, / из Неискусобра́чныя воплоща́ема, /  
челове́ком совокупля́ема, и сущими на земли́ зрима: / и́миже  
яко Ще́дрый просвещéния сподóби Твоегó, // воспева́ющих  
неизречéнное, и честное́ Твое́ воскресéние.

**Стих:** Яко у Го́спода ми́лость и мно́гое у Негó избавлéние / и  
Той изба́вит Изра́иля от всех беззакóний егó.

Сло́вом Тя проповéдавшии / Богоглаго́ливии проро́цы, / и  
дéлы почéтшии, / безконéчную жизнь приплоди́ша; / тва́ри бо,

Владыко, паче Тебѣ Содѣтеля, / служи́ти не претерпе́вше, /  
ми́ра всего́ ева́нгельски отвра́тишася, / и сообра́зни бы́ша  
стра́сти Твое́й, / ю́же провозвести́ша; / и́хже моли́твами,  
сподо́би / непоро́чно преи́ти воздержáния по́прище, // еди́не  
Многоми́лостиве.

**Стих:** Хвали́те Го́спода вси язы́цы / похвали́те Его́ вси  
лю́дие.

Естество́м неопи́санный Божѣственным Твои́м сый, / на  
послед́няя Влады́ко вопло́щся, / изво́лил еси́ описова́тися: /  
плоти́ бо прияти́ем, и сво́йства вся сея́ взял еси́. / Те́мже вид  
Твой образова́ния опису́ющихи / любѣзно целу́ем, / к Твое́й  
любви́ возвыша́еми, / и исцелéний благода́ть почерпа́ем из него́,  
// апо́стольским последую́ще божѣственным преда́нием.

**Стих:** Яко утверди́ся ми́лость Его́ на нас / и и́стина Господ́ня  
пребывáет во век.

Пречестно́е украше́ние Христо́ва Цѣрковь, / честныхъ при́ят и  
святы́х ико́н, / Спа́са Христа́ и Богома́тере, и всехъ святы́х /  
светле́йшее возставле́ние, / и́мже просвещáется, / и красу́ется  
благода́тию, / и со́нмище отлага́ет ерети́ческое изгоня́щи; / и  
ра́дующися сла́вит Человеколю́бца Бо́га, // ея́ ра́ди  
претерпе́вша стра́сти во́льныя.

**Слава, глас 2:**

Благода́ть возсия истины, / прообразуемая древле сеновно,  
/ ны́не явле́нно сконча́ся: / се бо Цѣрковь вопло́щенным  
образом Христо́вым, / яко прекра́сною у́тварию облачи́тся, /  
скинии свидения образ пронапису́ющихи, / и правосла́вную веру  
содержа́щи; / да Его́же почита́ем, / Сего́ и образ держа́ще, не  
прельща́емся. / Да облеку́тся в студ си́це неверу́ющихи: / нам бо  
сла́ва зрак Воплоти́вшася / благоче́стно покланя́емый, не  
боготвори́мый. / Той облобыза́юще ве́рнии возопи́м: / Бо́же,  
спаси́ лю́ди Твоя́, // и благослови́ достоя́ние Твое́.

**И ныне, догматик гласа.** Све́те Ти́хий: **Вход**

**На литии же, яко обычно, стихира храма.**

**Слава, глас 2:**

Ра́дуйтесь, проро́цы честни́и, / за́кон Господень до́бре  
учини́вшии, / и ве́рою явльшиися необори́мии столпи́  
неукло́ннии; / вы бо и ходáтаи яви́стеся Но́ваго Завета́



Христóва, / и престáвившесе на небесá. / Тогó молíte, умирíти мир, // и спасти́ дúши нáша.

**И ныне, Богородичен, глас тойже:**

Все упováние моё на Тя возлагаю, / Мáти Бóжия, // сохрани́ мя под крóвом Твоём.

**На стиховне стихиры Осмогласника.**

**Слава, глас 2:**

Из нечéстия во благочéстие прешéдше, / и свéтом рáзума просветíвшесе, / псалóмски рука́ми восплéщим, / благодарственнó хвалу́ Бóгу принося́ще: / и на стена́х, и дска́х, и на священнóх сосúдех, / начертáнным священнóм óбразом Христóвым, и Пречíстия, и всех святýх, / чéстно поклонímся, / отлага́юще злочéстную злослáвных véру: / [честь бо óбраза, я́коже глаголет Васíлий, на первоóбразное прехóдит,] / прося́ще моли́твами Пречíстия Твоея́ Мáтере, Христé Бóже нáш, и всех святýх, // даровáти нам véлию мíлость.

**И ныне, Богородичен:**

О, чудесé нóваго всех дрéвних чудес! / кто бо познá Мáтерь без мýжа рóждшую, / и на руку́ нося́щую, всю тварь содер́жащаго; / Бóжие есть изволéние, рóждшееся. / Егóже я́ко младéнца, Пречíстая, / Твоима́ рука́ма носíвшая, / и Мáтерне дерзновéние к нему́ имúщая, / не престáй моля́щи о чтýщих Тя, // ущéдрити и спасти́ дúши нáша.

Нýне отпуща́еши: **По Трисвятом тропарь** Богорóдице Дéво: **дважды.**

**И праздника, глас 2:**

Пречíстому óбразу Твоему́ поклоня́емся, Благíй, / прося́ще прощéния прегрешéний нáших, Христé Бóже: / волею бо благоволил еси́ плотию́ взыти на крест, / да избавиши я́же создáл еси́ от рабóты вра́жия. / Тем благодарственнó вопиём Ти: / рáдости испóлнил еси́ вся, Спáсе нáш, // пришéдый спасти мир.

**На утрени,**

**на Бог Госпóдь: тропарь воскресен дважды.**

**Слава, праздника.**

**И ныне, Богородичен, по гласу тропаря:**

Вся пáче смýсла, / вся преслáвная Твоя, Богорóдице, тáинства, / чистотé запечáтанной и дéвству храни́му, / Мáти позна́лася еси́ нелóжна, / Бóга рóждши и́стиннаго: // Тогó моли́ спаст́ися душáм нáшим.

**И обычное стихословие; и прочее последование воскресной службы.**

**Каноны: Воскресный со ирмосом на 4, и Богородицы 4, от Осмогласника. И Триоди на 6.**

**Катавасия Триоди, глас 4:**

**Песнь 1.**

Мóря чермнýю пучíну, / невлáжными стопáми, / дрéвний пешешéствовав Изрáиль, / крестообразныма Моисéовыма рука́ма // Амалíкову сýлу в пусты́ни победíл есть.

**Песнь 3.**

Веселíтся о Тебé Цéрковь Твоя́, Христé, зовúщи: / Ты моя крéпость, Гóсподи, // и прибéжище, и утверждéние.

**Песнь 4.**

Вознесéна Тя вíдевши Цéрковь на Крестé, / Сóлнце Праведное, / ста в чíне своéм, / достóйно взывáющи: // слáва сýле Твоей, Гóсподи.

**Песнь 5.**

Ты, Господи мой Свет, / в мир пришел еси, / Свет Святы́й, обрацáяй / из мра́чна неведéния // véрою воспевáющия Тя.

**Песнь 6.**

Пожрú Ти со глáсом хвалéния, Гóсподи, / Цéрковь вопиéт Ти, / от бесóвския крóве очíщшися, / рáди мýлости от ребр Тво́их // истéкшею крóвию.

**Кондак, глас 2:**

Неописанное Слово Отчее, / из Тебе, Богородице, описася воплощáемь: / и осквэрншийся óбраз в дрéвнее вообразív, / Божественною добротою смеси. / Но исповедающе спасение, // дéлом и слóвом, сие воображáем.

**Песнь 7.**

**В** пещí авраáмстии óтроцы персídстей / любóвию благочéстия пáче, / нéжели пла́менем опалéями, взывáху: / Благословéн еси́ в хра́ме слáвы Твоея́, Гóсподи.

**Песнь 8.**

Рúце распростёр Данийл, / львов зия́ния в рóве затчé; /  
огненную же силу угасиша, / добродетелию препоясавшеса, /  
благочéстия рачители / óтроцы, взыва́юще: / благослови́те, вся  
делá Господня, Гóспода.

**Таже:** Честнѣйшую:

**Песнь 9.**

Камень нерукосечный, / от несекомыя горы Тебе, Дево, /  
краеугольный отсечеса, / Христос, совокупивый разстоящаяся  
естества. // Тем веселящеса Тя, Богородице, величаем.

**Таже:** Свят Господь Бог:

**Ексапостиларий утренний воскресный, единожды. Слава:**  
**Триоди, писан наряду. И ныне: тамже.**

**На хвалитех стихиры Октоиха, 5.**

**И Триоди подобны три, глас 4.**

**Подобен:** Дал еси знамение:

**Стих:** Хвалите Егó в кимвáлех доброгласных, хвалите Егó в  
кимвáлех восклицáния, / всякое дыхáние да хвалит Гóспода.

**В** Тебé ныне радуется Церковь, / Человеколюбче, Женисé и  
Создáтеле своём, / сию́ во́лею Боголéпною от идольския лéсти  
избáвльшем, / и Себé обручívшем честнóю крóвию, / свѣтло  
приёмлющи священное возставлѣние икóн, // и радующися Тя  
поёт и слáвит вѣрно.

**Стих:** Исповѣмся Тебé, Гóсподи, всем сѣрдцем моим, /  
повѣм вся чудеса́ Твоя́.

Плóти изображѣние Твое́ возставляюще, Гóсподи, / любѣзно  
лобыза́ем, / вели́кое та́инство смотрѣния Твоегó изъясняюще: /  
не мнѣнием бо, я́коже глаго́лют богобóрнии дѣти ма́нентовы, /  
нам явѣлся еси́, Человеколюбче, / но истиною и естество́м  
плóти, // Тобóю возводи́ми к Твое́й любвѣ, и желáнию.

**Стих:** Возвеселю́ся и возра́дуюся о Тебé, / пою́ Имени  
Твоему́, Вѣшний.

День радóстный, и весѣлия испóлненный явѣся днесь: /  
свѣтлость бо догмáт истиннейших блиста́ет, / и сия́ет Цѣрковь  
Христóва укра́шена / возставлѣнными икóн святыхъ ны́не, / и  
изображѣний сия́ньми, // и единомы́слие бывáет вѣрных  
богопочтѣнное.

**Глас 6:**

**Стих:** Воскресни́, Го́споди Бо́же мой, да вознесётся рука́ Твоя́, / не забуди убо́гих Твои́х до конца́.

Моисе́й во вре́мя воздержáния зако́н прият, / и лю́ди привлече́; / Или́я постíвсья, небеса́ заключи́; / три́е же о́троцы авраа́мстии, / мучи́теля беззакóннующа пощéнием победи́ша. / Имже и нас, Спа́се, сподóби воскресéние уллучи́ти, / си́це вопи́ющих: / Святы́й Бо́же, Святы́й Кре́пкий, // Святы́й Безсме́ртный, поми́луй нас.

**Слава, паки тойже. И ныне:** Преблагословéнна еси́: Славословие великое. И отпуст.

На Литургии,

блаженна гласа, на 6, и от канона Триоди песнь 6—я, на 4.

**Прокимен, глас 4: Песнь отцев:** Благословéн еси́ Го́споди Бо́же отец на́ших, / и хва́льно и просла́влено Имя Твое́ во ве́ки.

**Стих:** Яко праведен еси́ о всех, яже сотвори́л еси́ нам. **Апостол ко евреям, зачало 329 от полу.**

**Аллилуия, глас 8:** Моисе́й и Ааро́н во иере́ех Егó, и Самуи́л в призыва́ющих Имя Егó. **Стих:** Призыва́ху Го́спода, и Той послу́шаше их. **Евангелие от Иоанна, зачало 5. И бывает Литургия Василия Великаго.**

**Киноник:** Хвалите Го́спода с небес: **Другий:** Ра́дуйтесь пра́веднии о Го́споде:

## Последование молебнаго пения в Неделю православия

После чтения часов или после литургии из алтаря исходят все священнослужители. Выносятся иконы Спасителя и Богоматери и полагаются на аналое посреди храма.

**Диакон:** Благословѣ, Владыко.

**Иерей:** Благословѣн Бог наш всегда:

**Хор:** Амѣнь. Царю Небесный:

**Чтец:** Трисвятое. По Отче наш: Господи, помилуй (12). Приидите, поклонимся: Псалом 74-й: Испове́мся Тебѣ, Бо́же: Сла́ва к ны́не: Аллилу́иа (трижды).

**Диакон** произносит великую ектению и по прошении **О** плавающих: **прилагает прошения:**

**О** еже милостивым оком призрѣти на Святу́ю Свою́ Цѣрковь и соблюсти́ ю невредѣму и непреборѣму от ересей и суевѣрий и міром Своѣм оградѣти, Господу помóлимся.

**О** еже утишити раздирание ея́ и сілюю Свята́го Ду́ха обратѣти всех отступльших к познанию́ истины и сопричестѣ́ ко избранны́му Своѣму́ ста́ду, Господу помóлимся.

**О** еже просветѣти вся́ свѣтом Своѣго́ Богоразу́мья, вѣрных же Своѣих укрепѣти и непоколебѣмых в правове́рии соблюсти́, Господу помóлимся.

**О** избавитися нам: **и прочее**

**По возгласе певцы, во глас 4:**

Бо́г Господь, и явѣся нам:

**И абие тропарь:**

Благодарни́ су́ще недостойни́и раби́ Твоѣи, Господи, / о Твоѣих вели́ких благодея́нних, на нас бывших, / сла́вяще Тя хва́лим, благословѣ́м, благодарѣ́м, поѣм и велича́ем Твоѣ благоутробіе, / и рабски́ любовію вопіем Ти: // Благодетелю, Спа́се наш, сла́ва Тебѣ.

**Слава, глас 3:**

Твоих благодея́ний и даров туне, / яко раби́ непотребни́и, сподобльше́ся, Владыко, / к Тебѣ усѣрдно притека́ющие,

благодарение по силе приносим, / и Тебѣ, яко Благодѣтеля и Творца славяще, вопиѣм: // слава Тебѣ, Бѣже Прещедрый.

**И ныне, глас 4:**

Якоже вышняя тверди благолепие, / и нижнюю спокказал еси красоту святаго селения славы Твоя, Господи, / утверди сие во век века, / и прими наша в нем непрестанно приносимая Тебѣ моления Богородицею, // всех Животѣ и Воскресение.

**Диакон:** Вѣнчнем.

**Иерей:** Мир всем.

**Чтец:** И духови твоему.

**Диакон:** Премудрость, вѣнчнем.

**Чтец:** Прокимен, глас 4: Насаждени в дому Господни, во двѣрех Бѣга нашего процветут.

(**Стих:**) Возвеселится праведник о Господе и уповает на Него.

**Диакон:** Премудрость!

**Чтец:** К римлянѣ послания святаго апостола Павла чтение.

**Диакон:** Вѣнчнем.

**Апостол, зачало 121:**

Братие, молю вы, блюдитесь от творящих распри и раздоры, кроме учения, ему же вы научитесь, и уклонитесь от них. Таковыи бо Господеву нашему Иисусу Христу не работают, но своему чреву: иже благими словесы и благословением прельщают сердца незлобивых. Ваше бо послушание ко всем достиже: радуюся же еже о вас. Хочу же вас мудрых убо быти во благое, простых же в злое. Бог же мира да сокрушит сатану под ноги ваша вскоре. Благодать Господа нашего Иисуса Христа с вами, аминь.

**Евангелие от Матфея, зачало 75.**

**На сугубой ектений, по:** Еще молимся о Великом Господине: прибавляются прошения:

Не хотяи смерти грешных, но ожидай обращения и покаяния, соедини всех во Святей Твоей Церкви, яко да истинною верою и благочестием Тебѣ, Бѣга нашего, прославят, молим Ти ся. Всесильный Творче, услыши и помилуй.

Дáвый за́поведь Твою́ нам, е́же любíти Тебé, Бóга нáшего, и блíжняго своегó, сотвори́, да нéнависти, вражды́, обíды, и прóчия беззакóния прекратя́тся, и́стинная же любóвь да Цáрствует в сердцáх нáших, мо́лим Ти ся, Спасíтелю нáш, услы́ши и мíлостивно помíлуй.

**Иерей глаголет возглас:** Услы́ши ны, Бóже: **Хор:** Амíнь.

**Диакон:** Гóсподу помóлимся. **Хор:** Гóсподи, помíлуй.

**Иерей читает молитву:**

Всеvíшний Бóже, Влады́ко и Содéтелю всея́ твáри, наполня́й вся вели́чеством Твои́м и содержи́ сíлою Твоéю! Тебé, Вседаровíтому Гóсподу нáшему, мы, недостóйнии, благодарéние принóсим, я́ко не отвращáеши нас беззакóний ráди нáших, но пáче предваря́еши ны щедрóтами Твои́ми. Ты ко избавлénию нáшему послáл еси́ Единорóднаго Твоегó Сы́на и благовестíл безмéрное Твоé к рóду челове́ческому снисхождéние, я́ко хотéнием хóщеши и ожида́еши, е́же обратíтся нам к Тебé и спасéным бы́ти. Ты, снизходя́ к нéмощи нáшего естества́, укрепля́еши нас всесíльную Свята́го Твоегó Духа́ благодáтию, утешáеши спасíтельною véрою и совершénною надéждою вéчных благ и, руковóдствуя избрáнных Твои́х в Гóрний Сиóн, соблюда́еши, я́ко зéницу óка. Исповéдуем, Гóсподи, вели́кое Твоé и неприкля́дное человеколю́бие и милосéрдие. Но, вíдяще мно́гих поползновéния, прилéжно Тя, Всеблагíй Гóсподи, мо́лим: прízри на Цéрковь Твою́ и виждь, я́ко Твоé спасíтельное благовéстие, áще и радóстно прия́хом, но тёрние суеты́ и страстéй творíт óное в нéкиих малоплóдно, в нéкиих же и бесплóдно, и по умножéнию беззакóний, óвии ересьми́, óвии раскóлом протíвлящеся ева́нгельской Твоéй и́стине, отступáют от достоя́ния Твоегó, отрeváют Твою́ благодáть и поверга́ют себе́ суду́ Твоегó Пресвята́го Сло́ва. Премилосéрдый и Всесíльный, не до конца́ гневáйся Гóсподи! Бúди мíлостив, мо́лит Тя Твоя́ Цéрковь, представля́ющи Тебé Нача́льника и Совершíтеля спасéния нáшего – Иису́са Христá, бúди мíлостив нам, укрепí нас в правове́рии сíлою Твоéю, заблужда́ющим же просветí разúмныя óчи свéтом Твои́м Божéственным, да уразумéют Твою́ и́стину, умягчи́ их ожесточéние и отвéрзи слух, да позна́ют глас Твой и обратя́тся к



Тебѣ, спасителю нашему. Испра́ви, Го́споди, инѣх развра́щение и жизнь, не согласную христи́анскому благоче́стию, сотвори́, да вси свято и непоро́чно поживѣм, и тако спасительная ве́ра укоренится и плодonóсна в сердца́х наших пребу́дет. Не отврати́ лица́ Твоего́ от нас, Го́споди, возда́ждь нам ра́дость спасения Твоего́. Пода́ждь, Го́споди, и па́стырем Цѣркве Твоея́ святу́ю ре́вность, и попече́ние их о спасе́нии и обра́щении заблужда́ющих ду́хом ева́нгельским раствори́. Да Тобо́ю вси руководи́ми, дости́гнем, иде́же соверше́ние ве́ры, исполне́ние наде́жды и и́стинная любо́вь, и та́мо с ли́ки чисте́йших небесных Сил просла́вим Тебѣ, Го́спода нашего, Отца́ и Сы́на и Свята́го Ду́ха, во ве́ки веко́в.

**Хор:** Амѣнь.

[**Диакон возглашает**<sup>3</sup>: Кто Бо́г ве́лий, яко Бо́г наш? Ты еси́ Бо́г, творя́й чудеса́ Еди́н.

**Потом вы́сшим гласом:** Кто Бо́г ве́лий, яко Бо́г наш:

**И снова вы́сочайшим гласом:** Кто Бо́г ве́лий:

**И** продолжает диакон: Правосла́вия день пра́зднующе, правосла́внии лю́дие, наипа́че просла́вим Вино́вника всех благ Бо́га, Иже Сый благослове́н во ве́ки. Сей Бо́г на́ш, промы́шляя и утвержда́я возлю́бленное Своѣ́ достоя́ние – Святу́ю Цѣрковь, праотцев, преступле́нием отпа́дших, утеша́я неложным Своим сло́вом, еще́ в ра́й основа́ние ей положи́. Сей Бо́г наш, руководи́вая ко оному́ спасительному обетованию, не несвидетельствована Себе́ оста́ви, но хотя́щее бы́ти спасение провозвести́л пе́рвое чрез пра́отцев и проро́ков, живоописа́л разли́чными о́бразы. Сей Бо́г на́ш, многоча́стне и многообра́зне дре́вле глаго́лавый отце́м во проро́цех, в послѣ́док дний сих глаго́ла нам в Сы́не, Имже и ве́ки сотвори́, Иже возвести́ Отчее о нас благово́ление, открь́и таинства небесная, увери́ силою Свята́го Ду́ха о истине благовестия, посла́ апостолы во весь мир проповедати Евангелие Царствия, утверди́ оное разли́чными силами и чудесами. Сему́ спасительному открове́нию послѣ́дующе, сегó благовестия держа́щися,

Ве́руем во Еди́наго Бо́га Отца́, Вседержи́теля, Творца́ небу́ и земли́, ви́димым же все́м и невиди́мым. И во Еди́наго Го́спода Иису́са Христа́, Сы́на Бо́жия, Единоро́днаго, Иже от Отца́



рожденнаго прежде всех век: Света от Света, Бóга ѳстинна от Бóга ѳстинна, рождѣнна, несотворѣнна. Единосу́щна Отцѹ, Имже вся бѣша. Нас рáди, человек, и нáшего рáди спасѣния сшѣдшаго с небѣс и воплотѣвшагося от Духа Свята и Марѣи Девы, и вочеловечшася. Распятаго же за ны при Понтѣйстем Пилáте, и страда́вша, и погребѣнна. И воскрѣсшаго в трѣтій день по Писанием. И возшедшаго на небеса, и седяща одесную Отца. И паки грядущаго со слáвою, судити живѣим и мертвым, Егоже Царствию не будет конца. И в Дѹха Свята́го, Гóспода Животворящаго, Иже от Отца́ исходящаго, Иже со Отцѣм и Сѣном спокланяема и сславима, глаголáвшаго проро́ки. Во едѣну Святу́ю Собóрную и Апостольскую Церковь. Исповедуем едино крещение во оставлѣние грехóв. Чаем воскресения мертвых и жизни будущаго века. Амѣнь.

Сія вѣра апóстольская, сія вѣра отѣческая, сія верá правослáвная, сія вѣра вселѣнную утвердѣи.

Еще́ же Собóры святѣх отѣц и их предáния и писáния, Божѣственному Откровѣнию согласная, приемлем и утвержда́ем.

Всем же о Православии подвизавшимся словесы, писании, учении, страдании и богоугóдным житием, я́ко защитникам и пособникам онаго, Христова Цѣрковь, ны́нешнее воспоминáние творя́щи, восклицáет:

святóму благовѣрному и равноапóстольному царю́ Константѣну и мáтери егó Елѣне,

святѣм благовѣрным и равноапóстольным вели́кому князю Владѣмиру и княгѣне Ользе, святѣм благовѣрным князем Алексáндром Нѣвскому и Даниѣлу Москóвскому и прóчим благовѣрным россияном: вѣчная пáмять.

**Хор здесь и далее поет:** Вечная память. (Трижды.)

Святѣйшим правослáвным патриáрхом Константинóпольским, Александрѣйским, Антиохѣйским, Иерусалимским и Всероссѣйским и Преосвященным митрополѣтом, архиепѣскопом и епѣскопом правослáвным: вѣчная пáмять.

Пострада́вшим и убиѣнным в различных похóдах за правослáвную вѣру и отѣчество вождѣм и воином и всѣм

правосла́вным христиа́ном, в и́стинной ве́ре и благоче́стии и в наде́жди воскресе́ния сконча́вшимся: ве́чная па́мьятъ.

Правосла́вная Христо́ва Це́рковь, торже́ственно воспомина́ющи подвиза́вшихся во благоче́стии и си́е все́м сво́им христоиме́нным ча́дом к подража́нию представля́ющи, имее́т тако́жде долг восхваля́ти по́двиги сих, и́же ны́не спаса́тельною ве́рою и добродете́лию приуготавлива́юще себѣ к ве́чному блаже́нству утвержда́ют Правосла́вие.

(Здесь, по произволению настоятеля, устав полагает возглашать чин анафематствования. Диаконские возгласы и ответы хора см. в дополнении, стр. 174)

Потом возглашает диакон:

Вели́кому Госпо́дну и Отцу́ на́шему Кири́ллу, Святе́йшему Патриа́рху Моско́вскому и всея́ Руси́, мно́гая ле́та.

Хор здесь и далее поет: Мно́гая ле́та. (Трижды.)

Святе́йшим патриа́рхом правосла́вным Константино́польскому, Алекса́ндрійскому, Антио́хийскому, Иеруса́лимскому и прóчим Святе́йшим правосла́вным Предста́телем, мно́гая ле́та.

Госпо́дну на́шему, Преосвяще́ннейшему (имя рек, и епархиальный титул его) мно́гая ле́та.

Преосвяще́нным правосла́вным митрополи́том, архиепи́скопом и епи́скопом и все́му освяще́нному при́чту, мно́гая ле́та.

Богохрани́мей стране́ на́шей, власте́м и во́инству ея́, мно́гая ле́та.

Все́м правосла́вным христиа́ном, пра́во содержа́щим спаса́тельную ве́ру и повинующимся Христо́вой Це́ркви, пода́ждь, Го́споди, мир, благоде́нствие, изоби́лие плодо́в земных и мно́гая ле́та.

Иерей читает молитву:

Свята́я Тро́ице, сих просла́ви и утверди́ да́же до конца́ в правове́рии и сотвори́, да вси прии́дут в позна́ние ве́чныя Твоея́ и́стины, моли́твами Пресвяты́я Влады́чицы на́шея Богоро́дицы и Присноде́вы Мари́и и всех святы́х. Ами́нь.]

Сла́ва Тебе́, Бо́гу, Благода́телю на́шему, во ве́ки веко́в.

Певцы: Ами́нь.

И поют стихиру прп. Амвросия Медиоланского, глас 3:

Тебе Бóга хва́лим:

Во время пения иерей и все священное собрание целуют святыя иконы на аналоях.

Последование молебна Торжеству Православия положено совершать перед литургией. Если же изволит настоятель, молебен служится по заамвонной молитве, либо после отпуста литургии.

## Неделя первая торжества Православия

В неделю вечера поставим стихов 10, и глаголем стихиры Осмогласника 4, со стиховны вечерни и утрени; и Триоди подобны господина Иосифа.

Глас 4.

**Подобен:** Дал еси знамение:

**Стих:** Аще беззакония назриши, Господи, Господи, кто постоит? / яко у Тебе очищение есть.

Даждь ми умиление, / и злых отчуждение, / и совершенное исправление, / в страсти телесней ныне погруженному, / и отдаленному от Тебе Боже Всецарю, / и ниоткудаже упования имущу; / и спаси мя блуднаго за многую благодать, // Иисусе всесильне, Спасе душ наших.

**Стих:** Имене ради Твоего потерпех Тя Господи, потерпел душа моя в слово Твое, / упова душа моя на Господа.

Моисей дивный, / постом очистишься, / виде желаемого. / Сему же поревновавши смиренная душа моя, / потщися в день воздержания от злых очиститися, / яко да Господа дающего Тебе оставление, / и очищение и избавление, // узриши сущаго Благаго и Человеколюбиваго.

**Другий кир Феодора, глас 6:**

**Подобен:** Архангельски:

**Стих:** От стражи утренния до нощи, от стражи утренния, / да уповает Израиль на Господа.

Постов ныне двоеседмичие светло начнем, / совершающее день от дне братие, / колесницу огненную соделавше нам, / якоже Илия Фесвитянин, / четыре великия добродетели, / ум возвысим безстрашием, / плоть вооружим чистотою, // текуще и побеждающе врага.

**И Минеи стихиры рядовому святому, 3. Аще имать святой, Слава:** стихиру самогласну. Аще ли несть, Слава, и ныне, Богородичен во глас Минеи, от меньших. Вход с кадильницею. Свете тихий:

**Прокимен, глас 8:** Дал еси́ достоя́ние / боя́щимся Тебе́ Го́споди.

**Стих:** От коне́ц земли́ к Тебе́ воззва́х.

**Стих:** Покры́юся в кро́ве кри́л Твои́х.

**Стих:** Та́ко воспою́ Имени Твоему́ во ве́ки.

**И паки высочайшим гласом:** Дал еси́ достоя́ние:

Сподо́би Го́споди: **и ектенія просительная.**

**На стиховне стихиры самогласны, глас 8:**

Прииді́те, очі́стим себе́ мило́стынями и щедро́тами убо́гих, / не трубя́ще, ни явля́юще на́ше благотво́рение, / да не уве́сть шу́ица десни́цы де́ло, / да не расточи́т тщесла́вие плод мило́стыни, / но в та́йне та́йная ве́дущему воззове́м: / Оче, оста́ви прегреше́ния на́ша, // я́ко Человеколю́бец.

**Стих:** К Тебе́ воздвиго́х очи́ мой, живу́щему на небеси́. Се я́ко очи́ раб в руку́ госпо́дий свои́х, я́ко очи́ рабы́ни в руку́ госпожи́ своея́; та́ко очи́ на́ши ко Го́споду Бо́гу на́шему, / до́ндеже уще́дрит ны.

**Паки таже стихира.**

**Стих:** Помі́луй нас, Го́споди, помі́луй нас, я́ко по мно́гу испо́лнихомся уничиже́ния; наипа́че напо́лнися душа́ на́ша поноше́ния гобзую́щих / и уничиже́ния го́рдых.

**Мученичен:**

Му́ченицы Госпо́дни, / вся́ко ме́сто освяща́ете, / и всяк недуг врачу́ете; / и ны́не моли́те, изба́витися се́тей вра́жиих // душáм на́шим, мо́лимся.

Сла́ва: святаго Минеи, аще есть. И ны́не: Богородичен, по гласу Минеи. Аще же ни, Слава, и ны́не: **Богородичен, глас тойже:**

Небе́сная пою́т Тя, / обра́дованная Ма́ти безневéстная, / и мы славосло́вим неизсле́дованное Твое́ рождество́, Богоро́дице, // моли́ спасті́ся душáм на́шим.

**Посем:** Ны́не отпускаеши: **И прочее последование, я́ко в сыропустную неде́лю указуе́ся, зри стр. выше.**

## Неделя вторая святых постов поется настоящее последование, во святых отца нашего Григория архиепископа, фессалонитского чудотворца, Паламы

Сложенное от святейшаго патриарха Филофея.

В субботу вечера, на малей вечерни поем последование от Осмогласника, якоже обычно.

На велицей вечерни

На Гóсподи воззва́х: поставим стихов 10. И поем стихиры на 6, воскресны 3 и Анатолиевы 3, Осмогласника. Таже и Троицы 4 стихиры.

Глас 2.

**Подобен:** Кíими похва́льными пёсньми:

**Стих:** От стра́жи у́тренния до но́щи, от стра́жи у́тренния, / да упова́ет Изра́иль на Гóспода.

Кíими благопохва́лений пёсньми воспойм иерáрха, / богослóвия трубу́, / огнедохновённая уста́ благода́ти, / честное дýха приятелище, / столпа́ цёркве непоколебíмага, / вели́кое вселённыя украше́ние, / реку́ премúдрости, свёта светíльника, // звезду́ я́сную, тва́рь просвеща́ющую?

**Стих:** Яко у Гóспода мíлость и мно́гое у Него́ избавле́ние / и Той изба́вит Изра́иля от всех беззакóний его́.

**Паки таяжде стихира**

**Стих:** Хвалíte Гóспода вси язы́цы / похвалíte Его́ вси лю́дие.

Кíими песнопéний цветáми венча́им иерáрха, / благоче́стия побóрника, / и нечестия протíвника, / тёплаго véры предста́теля, / вели́каго наста́вника и учíteля, / цевни́цу всекра́сную Дýха, златосия́ющий язык, / исто́чник кипящий то́ки исцелéний véрным, // вели́каго и досточúднаго Григóрия?

**Стих:** Яко утверди́ся мíлость Его́ на нас / и йстина Господня пребывáет во век.

Киими земнороднии устнами восхвалим иерарха, / Церкви учителя, свёта божественнаго проповедника, / небеснотайника

Трѳицы, / вѣлие монашествующих украшение, / деянием и видѣнием просиявшаго, / фессалонитскую похвалу, согражданина имущаго, // мироточнаго на небесѣх божественнаго и пречуднаго Димитрія?

**Слава, глас 6:**

Преподобне, треблаженне, / святѣйший отче, / пастырю добрый и архипастыря Христа учениче, / положивый душу о овцѣх; / сам и ныне, отче наш Богоносе Григорие, / испроси молитвами Твоими, // даровати нам велию милость.

**И ныне, догматик гласа. Свѣте тихий: Вход.**

**На литии же, яко обычно, стихира храма. Слава и ныне, Богородичен.**

**На стиховне стихиры Осмогласника.**

**Слава, глас 8:**

Бодрый язык твой ко учительству, / во ушесех сердечных возглашая, / ленивых души возоставляет, / и боговещанными словесы Твоими лѣствица обретается, / от земли к Бѳгу возносящая. / Тѣмже, Григорие, Фессалии чудо, / не престай моляся Христу, // просветити божественным свѣтом чтущия тя.

**И ныне, Богородичен:**

Безневѣстная Дѣво, / яже Бѳга неизреченно зачѣнши плотию, / Мати Бога Вышняго, / Твоих рабов мольбы приими, Всенепорочная, / всем подаючи очищение прегрешений, / ныне наша моления приемлющи, // моли спастися всем нам.

Ныне отпускаеши: **По Трисвятом тропарь** Богородице Дѣво: **трижды.**

**На утрени,**

**на Бог Господь: тропарь воскресен дважды.**

**Слава, святаго, глас 8:**

Православия светильниче, / Цѣркве утверждение и учителю, / монахов доброто, богословов поборниче непреборимый, / Григорие чудотворче, Фессалонитская похвало, / проповѣдниче благодати, // молися вину спастися душам нашим.

**И ныне, Богородичен:**

Иже нас ради рождѣйся от Дѣвы, / и распятие претерпѣв, Благий, / испровергий смѣртию смерть, / и воскресение явлѣй

яко Бѡг, / не прѣзри яже создѡл еси рукою Твоею; / яви  
человеколюбіе Твое, Милостиве, / прими рѡждшую Тя  
Богородицу, молящуюся за ны, // и спаси, Спасе наш, люди  
отчѡянные.

**И обычное стихословие; и прочее последование воскресной  
службы. Каноны: Воскресный со ирмосом на 4. И Триоди на 4, и  
святого на 6.**

**Катавасия Отвѣрзу уста: зри в неделю мытареву.**

**По 3–й песни кондак Триоди, глас 4:**

Нѣне время дѣлательное явися, / при двѣрех суд, востанем  
убо постѣщаяся, / принесем слѣзы умиленія, / милостынями,  
зовуще: / согрѣшихом пѡче песка морскаго. / Но ослаби,  
Содѣтелю всех, // яко да примем нетлѣнные венцы.

**По 6–й песни кондак святому, глас 8:**

Премудрости священнѣй и божественнѣй орган, /  
богословія свѣтлую согласнѡ трубу, / воспѡем тя, Григоріе  
богословъ: / но яко ум Уму первому предстоѣй, /  
к Немѡ ум наш, отче, настави, да зовем: / радуйся,  
проповѣднице благодѡти.

**По 9–й песни: Свят Господь Бѡг:**

**Ексапостиларій утреннѣй воскреснѣй. Слава: Триоди,  
писан наряду.**

**И нѣне: тамже.**

**На хвалитех поставим стихов 8, и поем стихиры Октоиха, 5.**

**И Триоди подобны три, глас 1.**

**Подобен: Небесных чинѡв:**

**Стих: Хвалите Егѡ в кимвалех добрословных, хвалите Егѡ в  
кимвалех восклицанія, / всякое дыханіе да хвалит Господа.**

Блаженную в міре жизнь совершив, / и нѣне блаженных  
срадуешися собѡром, / и на земли кратких, яко краткий живѣши,  
/ иерарше Григоріе; / благодѡтию же чудес богатѣеши от Бѡга, //  
юже подаѣши чтущим тя.

**Стих: Уста моя возглаголют премудрость, / и поученіе  
сѣрдца моего разум.**

Православія догматы насадил еси, / злославія блаженне  
отсекая терніе, / и веры сѣмя умножая добре, / одождѣніем



словес твоих, / стократный клас, яко деятельный  
земледельатель // Бóгу принёсл еси.

**Стих:** Услышите сия вси языцы, / внушите вси, живущии по  
вселенней.

Непорочнога твоего жития блаженне светлости / удившася  
ангел и человек собори; / ибо произволением твердый  
страдалец / и постник явился еси, / и иерарх, и достойный  
служитель Божий, // и друг искренний.

**Глас 6:**

**Стих:** Воскресни, Господи Боже мой, да вознесется рука  
Твоя, / не забуди убогих Твоих до конца.

Во тьме согрешений ходящим, / свет возсиял еси, Христе/  
временем воздержания, / и благоуханный день страсти Твоея  
покажи нам, / да вопием Тебе: // востани Боже, помилуй нас.

**Слава, паки тойже. И ныне:** Препоблагословенна еси:

**Славословие великое. И отпуст.**

**На Литургии,**

**блаженны гласа, на 6, и святого песнь 3–я, на 4.**

**Прокимен, глас 5:** Ты Господи сохраниши ны, / и соблюдеши  
ны от рода сего и во век. **Стих:** Спаси мя Господи, яко оскуде  
преподобный.

**Апостол ко евреям, зачало 304. Аллилуия, гласа.**

**Евангелие от Марка, зачало 7. И святому вся служба  
святительская.**

**Киноник:** Хвалите Господа с небес:

## В туюжде неделю вечера

на Гóсподи воззв́ах: поставим стихов 10, и глаголем стихиры Осмогласника 4, со стиховны вечерни и утрени; и Триоди подобны господина Иосифа. Глас 8.

**Подобен:** Неизчѣтен:

**Стих:** Аще беззакóния нáзриши, Гóсподи, Гóсподи, кто постоит? / я́ко у Тебе очищѣние есть.

Безчísленная Ти прегрешív, / безчísленные мýки ожида́ю: / скрѣжета зúбнаго, и пла́ча неутѣшимаго, / ге́ены óгненные, и тьмы и тáртара, / суди́е прáведнейший, слéзы ми úбо дáруй, / ýмиже обря́щу оставлѣние / и злых мо́их разрешѣние, / постя́ся и зовый Ти: Влады́ко Христé, // ущѣдри мя за вели́кую и богáтую мýлость.

**Стих:** Имене рáди Твоегó потерпѣх Тя Гóсподи, потерпѣ душá моя в слóво Твое, / уповá душá моя на Гóспода.

Менé заблúждшаго на горáх лúтых преступлѣний, / взыщй́ Слóве, и к Тебѣ воззовй́, / обы́чаи лука́выя умá моего́ далѣче отгоня́я, / умѣрша пáки оживй́, и постóм очисти, / в пла́че непрестáнном вопиýща и глагóлюща: / Влады́ко Христé, ущѣдри мя // за вели́кую и богáтую мýлость.

**Ина стихира господина Феодора, глас тойже:**

**Подобен:** Преслáвное:

**Стих:** От стра́жи úтренния до нóщи, от стра́жи úтренния, / да уповáет Изра́иль на Гóспода.

Постá начѣнше седмй́цу трѣтию, / Трóицу честнýю восхвáлим вѣрнии, / прóчее рáдостно преходя́ще, / плотскй́я же стра́сти увядй́вше от дýш нáших, / цвѣты божѣственные по́жнем, / венцы́ исплѣтше начáльнице днѣй, / да всй́ Христа́ я́ко победй́теля, // венцы́ нося́ще воспой́м.

**И Минеи стихиры рядовому святому, 3. Аще имать святы́й, Слава: стихиру самогласну. Аще ли несть, Слава, и ныне, Богородичен во глас Минеи, от меньших.**

**Вход с кадила́ницею. Свѣте тй́хий:**

**Прокимен великий, глас 8:**

Не отврати́ лица́ Твоегó от óтрока Твоегó, яко скорблю́, скóро услы́ши мя. / Вонми́ душй моёй, и избáви ю.

**Стих:** Спасéние Твое́ Бóже, да при́имет мя.

**Стих:** Да ўзрят нй́щии, и возвеселя́тся.

**Стих:** Взыщй́те Бóга, и живá б́дет душá вáша.

**И паки высочайшим гласом:** Не отврати́ лица́ Твоегó:

**На стиховне самогласен дне, дважды. Глас 8:**

Брозды́ исплюва́х отéческия, непостоя́нным умóм, / со скóтскими грехá помышлénными пожй́х, / все моё жити́е иждй́в блúдно окая́нный аз, / пй́щии лишén утвержда́ющия сёрдце, / врéменно утучня́ющею слáстию насы́тихся; / но Отче Благй́й, не затвори́ ми человеколю́бныя утрóбы, / но отвёрз приими́ мя яко блúднаго сы́на, // и спасй́ мя.

**Стих:** К Тебé воздвигóх óчи мой, живу́щему на небеси́. Се яко óчи раб в руку́ госпóдий своих, яко очи рабыни в руку́ госпóжй своея́; тáко óчи нáши ко Гóсподу Бóгу нáшему, / дóндеже ущéдрит ны.

**Паки таже стихира.**

**Стих:** Помй́луй нас, Гóсподи, помй́луй нас, яко по мно́гу испóлнихомся уничижéния; наипáче напóлнися душá нáша поношéния гобзýющих / и уничижéния гóрдых.

**Мученичен:**

Мýченицы Госпóдни, всяко мéсто освящáете, / и всяк недýг врачýете; / и ны́не молй́те избáвитися сетей вра́жих // душáм нáшим, мóлимся.

**Слáва: святаго Минеи, аще есть. И ны́не: Богородичен, по гласу Минеи.**

**Аще же ни, Слáва, и ны́не: Богородичен, глас тойже:**

Небéсная пою́т Тя, / обра́дованная Мáти безневéстная, / и мы славослóвим неизслéдованное Твое́ рождество́, Богорóдице, // моли́ спастй́ся душáм нáшим.

**Зде четет предстоятель, аще изволит, по обычаю, акафист Страстем Христовым.**

**Посем: Ны́не отпу́щáеши: И прочее последование, яко в сыропустную неделю указуяся.**

## Неделя третья Святых Постов. Поклонение празднуем Честнаго и Животворящего Креста

**В субботу вечера, на малей вечерни, стихиры на 4. Глас 6.**

**Подобен:** Ангельския:

**Стих:** От стражи утренния до нощи, от стражи утренния, / да уповает Израиль на Господа.

Ныне Ангельская воинства копиеносят Древо Честное, / благоговейно окружающая, / и вся созывающая верных на поклонение. / Приидите убо постом просветившиися, / припадём ему радостию и страхом, / верно зовуще: / Радуйся Честный Кресте, // мира утверждение.

**Стих:** Яко у Господа милость и многое у Него избавление / и Той избавит Израиля от всех беззаконий его.

**Паки таяжде стихира**

**Стих:** Хвалите Господа вси языцы / похвалите Его вси людие.

Да Адамову потребиши клятву, / плоть нашу приемиши кроме скверны, / распинаеши же и умираеши, Иисусе Преблагий; / темже Крест Твой, и копие, / губу же и трость, гвезде верно почитаем, // и воскресение Твое видети просим.

**Стих:** Яко утвердися милость Его на нас / и истина Господня пребывает во век.

Заключает Едем древом древле змий, / древо же Креста отверзает Сей / всем хотящим постом и слезами очиститися. / Приидите убо предлежащее видяще, / тому припадём со страхом вернии зовуще: // отверзи Врата Небесная Кресте, любящим тя.

**Слава и ныне, глас и подобен тойже.**

Егда Кресту пригвождена виде Слове Божий, / безсеменно Тебе рождашая, взываше вопиющи: / увы Мне Чадо сладчайшее, / кое Твое смирение Боже Мой? / како безстрастный страсть терпиши, неправедным судом? // песнословлю Твое страшное крайнее снисхождение.

**На стиховне стихиры подобны. Глас 2:**

**Подобен:** Дóме Евфра́фов:

Разрешившеся уз / дрéвняго осуждénия, вёрнии / дрéвом  
Крестá, / на нем пригвождénнаго // Христá славослóвим.

**Стих:** Возносите Гóспода Бóга нáшего, / и поклоня́йтесь  
подно́жию но́гу Егó, я́ко свято́ е́сть.

Прииди́ ны́не с нáми Дави́де, / цевни́цу дви́жи, / Христá  
возносите́ поя́, / вёрнии поклоните́ся // Егó подно́жию.

**Стих:** Бог же царь наш прéжде вéка, / содéла спасéние  
посредé земли́.

Вознесем людие / подлежащее древо, / имже спасение /  
нам Христóс подаёт, // и вéрою целу́ем.

**Слава и ныне, глас и подобен тойже:**

**Крестобогородичен:**

Вознесéна на Крестé, / за челове́ки, / видящи Твоегó Сы́на  
Дéво, / вопия́ше рыда́ющи: // сла́ва благоутрóбию Твоему́.

**Таже, Ны́ не отпу́щаеши: Трисвятое. По** Отче нáш:

**Тропарь, глас 1:**

Спаси́ Гóсподи лю́ди Твоя́, / и благослови́ достоя́ние Твое́, /  
побéды на сопроти́вныя да́руя, // и Твое́ сохраня́я Крестóм  
Твои́м жи́тельство.

**И бывает отпуст. По отпусте же входит священник со  
екклисиархом в сосудохрани́тельницу, и возьмут Честное  
Древо, предъиду́щу свещнику и кадилу, поющим тропарь: Спаси́  
Гóсподи лю́ди Твоя́: И приносят на Святу́ю Трапезу, и вжигают  
свещу на всю но́щь.**

**На велицей вечерни,**

На Гóсподи воззва́х: **поставим стихов 10. И поем стихиры  
Осмогласника на 6, воскресны 3 и Анатолиевы 3. Таже и Триоди  
4 стихиры, глас 5.**

**Подобен:** Ра́дуйся, по́стников:

**Стих:** От стра́жи у́тренния до но́щи, от стра́жи у́тренния, / да  
упова́ет Изра́иль на Гóспода.

Воссия́й, Господень Кресте, / светолу́чныя молния Твоея́  
благодáти, / в сердца́ чту́щих Тя, / и Богоприятно́ю любóвию  
приёмлющих, мировожделénне, / имже слéзное потреби́ся  
сéтование, / и смёртных сéтей избáвихомся, / и к при́сному  
весéлию приидóхом. / Покажи́ красоты́ Твоея́ благолéпии, /

воздаяние подаждь воздержания рабѣм Твоим, / верно  
просящим Твое Богатное заступление, // и велию милость.

**Стих:** Яко у Господа милость и многое у Него избавление / и  
Той избавит Израиля от всех беззаконий его.

Радуйся, живоносный Кресте, / Церкви красный раю, /  
древо нетления, / прозябшее нам вечныя славы наслаждение; /  
имже бесовстии отгоняются полцы, / и ангельстии свеселятся  
чинове, / и совокупления верных празднуют. / Оружие  
непобедимое, / утверждение нерушимое, / царей победо,  
священников похвало, / Христовы ныне страсти и нам подаждь  
достигнути, // и велию милость.

**Стих:** Хвалите Господа вси языцы / похвалите Его вси  
людие.

Радуйся, живоносный Кресте, / благочестия непобедимая  
победа, / дверь райская, / верных утверждение, / Церкви  
ограждение, / имже тля разорится и упразднится, / и попрося  
смертная держава, / и вознесохомся от земли к небесным; /  
оружие непобедимое, / бесов сопротивоборче, / славо  
мучеников, / преподобных яко воистинну удобрение, /  
пристанище спасения, // даруяй миру велию милость.

**Стих:** Яко утвердися милость Его на нас / и истина Господня  
пребывает во век.

Гряди, перевозанная двоице, / лика отпадшая горних, /  
завистию человекоубийцы, / горькою сластью древа, древле  
вкушением. / Се всечестное воистинну древо предгрядет, / к  
Немуже притекше радостию облобызайте, / и возопийте к Немю  
с верою: / Ты наше воззвание, Кресте всечестный, / Древо  
Богоблаженное, Саде Небесный; / Егоже плода причастившися,  
нетление улучихом, / Едема первого приемше известно, // и  
велию милость.

**Слава, глас 3:**

Христѣ Бѣже наш, / вольное распятие во общее  
воскресение рода человеческого восприимый, / и тростию  
Креста, обагрением червленым Своя персты окровавивый, /  
оставительная нам царски подписати человеколюбствовавый, /  
не презри нас бедствующих, / и паки от Тебе разстояние; / но

ущёдри, Еди́не Долготерпелі́ве, / во обстоя́нии лю́ди Твоя́, // и  
воста́ни, побори́ борю́щая ны, я́ко Всеси́лен.

**И ныне, догматик гласа. Вход.** Све́те ти́хий:

**На литии же, я́ко обы́чно, стихира храма.**

**Слава и ныне, глас 5:**

Зря́щи Тя тварь вся на Кресте́ на́га ви́сяща, / Соде́теля и  
Зижди́теля всех, / изменя́шеся стра́хом, и рыда́ше; / со́лнце же  
свет омрачи́, / и земля́ колеба́шеся, / ка́мение же разседа́шеся, /  
и хра́ма све́тлость раздира́шеся. / Ме́ртвии воста́ша от гробо́в, /  
и а́нгельския си́лы ужасо́шася, глаго́люще: / О, чудесе́! Судия́  
су́дится, // и стра́ждет хотя́ за спасе́ние ми́ра, и обновле́ние.

**На стиховне стихиры Осмогласника.**

**Слава, и ныне, глас 4:**

Пособи́вый, Го́споди, кро́ткому Дави́ду / победи́ти  
иноплеме́нника, / ве́рным лю́дем на́шим спобо́рствуй, / и  
ору́жием Креста́ низложи́ враги́ на́ша; / покажи́, Благоутробне,  
на нас древняя́ милости Твоя́, / и да разумею́т воистинну, я́ко  
Ты еси́ Бо́г; / и на Тя наде́ющися побежда́ем, / моля́щися  
обы́чно Пречи́стей Твое́й Ма́тери, // дарова́тися нам вели́цей  
ми́лости.

Ни́не отпу́щаеши: **По Трисвятом тропарь** Богоро́дице Де́во:  
**дважды, и Крестный единожды. Глас 1:**

Спаси́ Го́споди лю́ди Твоя́, / и благослови́ достоя́ние Твое́, /  
побе́ды на сопроти́вныя да́руя, // и Твое́ сохраня́я Кресто́м  
Твои́м жи́тельство.

**И прочее последование бдения, я́ко обы́чно.**

**На утрени,**

**по шестопсалмии, Бог Госпо́дь: во глас Осмогласника, и  
глаголем тропарь воскресен дважды.**

**Слава, Крестный, глас 1:** Спаси́ Го́споди лю́ди Твоя́:

**И ныне, Богородичен:**

Гаври́лу, вещавшу Тебе́ Де́во, ра́дуйся, / со гла́сом  
воплоща́шеся всех Влады́ка, / в Тебе́, Святе́м Киво́те, / я́коже  
рече́ пра́ведный Дави́д: / яви́лася еси́ ши́ршая небес, /  
поноси́вши Зижди́теля Твоего́. / Сла́ва все́льшемуся в Тя, /  
сла́ва проше́дшему из Тебе́, // сла́ва свободи́вшему нас  
Рождество́м Твои́м.



И обычное стихословие; аще где храм Честнаго Креста, полиелей.

И прочее последование воскресной службы.

Каноны Октоиха: Воскресный со ирмосом на 4, и Богородицы на 2.

Таже Триоди на 8, творение кир Феодора Студита.

Катавасия Триоди, глас 1:

**Песнь 1:**

Божественнейший прообрази древле Моисей, / в Чермном мори провед Израиля Крестом Твоим, / воду жезлом пресек, / песнь Тебе исходную // воспевая Христе Боже.

**Песнь 3:**

Утверди Владыко Христе Крестом / на камени мя веры, / не поколебаться уму / прилоги врага злаго; // Един бо еси свят.

**По 3-й песни седален Триоди, писан наряду.**

**Песнь 4:**

На Кресте Тя Сильне, / светило великое виде, / трепетом взятся, лучи сопрятав скры, / вся же тварь воспе со страхом Твое долготерпение: // ибо исполнися земля Твоего хваления.

**Песнь 5:**

Утренююще Тя воспеваем, Спасе Щедре, / мир обретше Крестом Твоим, / Имже обновил еси / род человеческий // ко Свету Невечернему вводя нас.

**Песнь 6:**

Образ Божественнаго Креста, / Иона во чреве китове / простертыма дланьма проначерта, / и взираше спасен от зверя // силою Твоею, Слове.

**По 6-й песни кондак Кресту, глас 7:**

Не ктому пламенное оружие / хранит врат Едемских: / на тья бо найде преславный союз древо крестное, / смертное жало, и адова победа прогнася. / Предстал бо еси, Спасе мой, / вопия сущим во аде: // внидите паки в рай.

**Песнь 7:**

Из пламене отроки избавлей, / плоть прием пришел еси на землю, / и на Кресте пригвожден, / спасение нам даровал еси, Христе, // Един благословен отцев Боже, и препрославлен.

**Песнь 8:**



Ру́це в ров вёрженный львов, иногда́ / вели́кий во проро́цах, / крестообра́зно простёр Дани́ил, / невреждё́н от сих снёди, спасе́ся, // благосло́вья Христа́ Бо́га во ве́ки.

**Таже:** Честне́йшую:

**Песнь 9:**

О, Ма́ти Де́во, / и Богоро́дице нело́жная, / ро́ждшая безсе́менно Христа́ Бо́га на́шего, / на Крест возне́сшагося плóтию, // Ты ве́рнии вси досто́йно с Ним ны́не велича́ем.

**По 9–й песни:** Свят Госпо́дь Бог:

**Ексапостиларий утренний воскресный.**

**Сла́ва:** Креста, писан в Триоди наряду. **И ны́не:** тамже.

**На хвалитех поставим стихов 8, и поем воскресны стихиры Октоиха, 4.**

**И Триоди подобны три, глас 4.**

**Подобен:** Яко до́бля:

**Стих:** Хвалите́ Его́ в тимпа́не и ли́це, / хвалите́ Его́ во стру́нах и орга́не.

Во гла́сех восклиц́нем, / в пе́снях возвели́чим, / Крест Честны́й облобыза́юще, / и к Нему́ возопи́м: / Кресте́ всечестне, / освяти́ на́ша ду́ши и телеса́ си́лою твоёю, / и от вся́каго вре́да сопроти́вных соблюди́ невреждё́ны, // благочестно покланя́ющиеся Тебе́.

**Стих:** Хвалите́ Его́ в кимва́лех доброгласных, хвалите́ Его́ в кимва́лех восклиц́ания, / вся́кое дыха́ние да хва́лит Го́спода.

Приступи́вше, почерпи́те неисто́щяемых вод, / Креста́ благода́тию пролива́емых: / се предлежа́щее ви́дяще Дре́во Свято́е, / дарова́ний исто́чник, / напоёное кро́вию и водо́ю Влады́ки всех, / на том во́лею возне́сшагося, // и земны́я воздви́гшаго.

**Стих:** Возно́сите Го́спода Бо́га на́шего, / и покланя́йтесь подно́жию но́гу Его́, я́ко свято́ е́сть.

Церкве утвер́ждение, царей держа́ва, / монашествующих похвала́ и спасе́ние, / ты еси́ Кресте́ Всечестне; / те́мже покланя́ющесе́ Тебе́, / и се́рдцем и душе́ю просвещ́аемся днесь, / божественно́ю благода́тию на Тебе́ пригвоздившагося, / и держа́ву льстиваго разорившаго, // и клятву́ потребльшаго.

**Стих:** Бог же царь наш прѣжде вѣка, / содѣла спасѣние посреде земли.

Во гласех воскликнем: **Паки первая стихира.**

**Глас 6:**

**Стих:** Воскресни, Господи Боже мой, да вознесется рука Твоя, / не забуди убогих Твоих до конца.

Высокомудраго разума злых фарисеев, / всех Господь притчею убежати сего научи; / и не высокоумствовати паче, / еже подобает мудрствовати, / всех наказа, прописание и образ Сам быв, / даже до распятия и смерти, / Сам Себе излиыв. / Благодаряще убо с мытарем рцем: / пострадавый за ны, и безстрастен пребывый Боже, / от страстей нас избави, // и спаси души наша.

**Слава, паки тойже. И ныне:** Препоблагословенна еси: Славословие великое.

**Егда же начинаем пети Слава в вышних: тогда иерей, возьм кадилницу, кадит Святую Трапезу и Честный Крест. Егда же пети нам вышшим гласом Святыи Боже: таже подымлет Его на дискосе со хранильницею на главу свою, и исходит от левыя страны престола северными дверьми, предъидущим ему свещам двум, и кадилнице, и отходит до Царских врат.**

**Скончану же бывшу Славословию и Трисвятому, глаголет священник: Премудрость, прости. И начинаем тропарь: Спаси Господи люди Твоя: трижды. И полагает иерей пред Святыя Двери верху четвероножника Честный Крест, и отверз хранильницу, кадит крестообразно от четырех стран.**

**И поет иерей тропарь, во глас 6:**

**Кресту Твоему поклоняемся, Владыко, / и святое воскресение Твое славим. Трижды.**

**Такожде и мы повторяем вослед, трикраты.**

**И начинаем поклоняться. Кланяющимся же братьям, поем самогласны стихиры сия.**

**Глас 2:**

**Приидите, вернии, / Животворящему Древу поклонимся, / на немже Христос Царь славы волею рuce распростер, / вознес нас на первое блаженство, / ихже прѣжде сластию украд враг, / изгнаны от Бога сотвори. / Приидите, вернии, Древу**

поклонимся, / Имже сподобихомся невидимых враг сокрушити главы. / Приидите, вся отечествия язык, / Крест Господень песнями почтим: / радуйся, Кресте, падшаго Адама совершенное избавление! / О Тебе вернии царие наши хвалятся, / яко Твоею силою исмаильтеския люди державно покаряющи. / Тебе ныне со страхом христиане целуем; / на Тебе пригвоздившагося Бога славим, глаголюще: / Господи, на Том пригвоздивыйся, помилуй нас, // яко благ и Человеколюбец.

**Глас 8:**

Днесь Владыка твари, и Господь славы, / на Кресте пригвождается / и в ребра прободается, / желчи и оцта вкушает, / сладость церковная; / венцем от терния облагается, / покрывая небо облаки; / одеждою облачится поругания, / и заушается брэнною рукою, / рукою создавый человека. / По плещема биен бывает, / одевая небо облаки. / Заплевания и раны приемлет, / поношения и заушения; / и вся терпит мене ради осужденнаго, / Избавитель мой и Бог, / да спасет мир от прелести, // яко Благоутробен.

**Слава, глас тойже:**

Днесь неприкосновенный существом, / прикосновен мне бываает, / и страждет страсти, / свободая мя от страстей. / Свет подавая слепым, / от беззаконных устен оплевается, / и дает плещи за плененныя на раны. / Сего Чистая Дева и Мати на Кресте зрящи, болезненно вещаше: / увьи Мне, Чадо Моё, / что сие сотворил еси? / красный добротою паче всех человек, / бездыханный, безрачный являешься, / не имея вида, ниже доброты. / Увьи Мне, Мой Свете! / Не могу спяща зрети Тя, / утробою уязвляюся, / и лютое оружие сердце Моё проходит. / Воспеваю Твоя страсти, / поклоняюся благоутробию Твоему, // Долготерпеливе слава Тебе.

**И ныне, глас тойже:**

Днесь пророческое исполнися слово: / се бо поклоняемся на место, / идеже стоясте ноге Твои, Господи; / и древа спасения вкусивше, / греховных страстей свободу улучихом, // молитвами Богородицы, Единыя Человеколюбче.

**Таже ектении, и отпуст. И стихира евангельская, и час первый.**

На Литургии,  
блаженна гласа, на 6, и канона Креста песнь 3–я, на 4.

Вместо же Трисвятаго поем:

Кресту́ Твоему́ поклоня́емся, Влады́ко, / и свято́е  
воскресе́ние Твое́ сла́вим.

**Прокимен, глас 6:** Спаси́ Господи люди Твоя, / и благослови́  
достояние Твое. **Стих:** К Тебе́ Господи воззову, Боже мой, да не  
премолчиши от мене. **Апостол ко евреям, зачало 311.**

**Аллилуия, глас 1:** Помяни́ со́нм Тво́й, егóже стяжа́л еси́  
исперва. **Стих:** Бог же Ца́рь на́ш пре́жде ве́ка, соде́ла спасе́ние  
посреде́ земли́.

**Евангелие от Марка, зачало 37. Причастный:** Зна́менася на  
нас свет лица́ Твоего́, Го́споди.

## В туюжде неделю вечера

на Гóсподи воззвáх: поставим стихов 10, и поем 4 стихиры Осмогласника умилительны, со стиховны вечерни и утрени; и Триоди 3, подобны господина Иосифа. Глас 8.

**Подобен:** Гóсподи, áще и на судíщи:

**Стих:** Аще беззакóния нáзриши, Гóсподи, Гóсподи, кто постоит? / я́ко у Тебé очищéние есть.

Гóсподи, на Крестé волею простéрл еси длáни Твоя́, / сему́ умилéнием сéрдца поклонíтися и нас сподóби, / просвещéнных дóбре постóм и молíтвами, / и воздержáнием и благотворéнием, // я́ко благ и Человеколю́бец.

**Стих:** Имене рáди Твоегó потерпéх Тя Гóсподи, потерпé душá моя в слóво Твое, / уповá душá моя на Гóспода.

Гóсподи, грехóв мо́их мнóжества, / по мнóжеству очíсти щедрóт Тво́их, Всещéдре, / и Крест Твой сподóби чíстою душéю вíдети, и целовáти, / в настоя́щей седмице воздержáния, / я́ко Человеколю́бец.

**Ина стихи́ра господина Феодора, глас 3:**

**Подобен:** Вéлие чúдо:

**Стих:** От стра́жи у́тренния до но́щи, от стра́жи у́тренния, / да упова́ет Изра́иль на Гóспода.

Вéлие чúдо, дрéво вíдится, / на нёмже Христóс волею распя́тся плотию; / поклоня́ется мир, и просвещаемь взывает: / О, Крестá síло, / и зрímый дéмоны палíт, / и вообража́емь сíх паля́ явля́ется! / Ублажа́ю Тя́, Пречíстое Дрэво, / почитаю́ и поклоня́юся со стра́хом, / и Бóга сла́влю, // Тобóю дарова́вшего мнé жíзнь безконéчную.

**И Минеи стихиры 3. Аще имать святы́й, Слава: стихи́ру самогласну. Аще ли несть, Слава, и ныне, Богородичен во глас Минеи, от меньших. Вход с кадильницею. Свéте тíхий:**

**Прокимен великий, глас 8:**

Дал еси́ достоя́ние / боя́щимся Тебé Гóсподи.

**Стих:** От конéц землí к Тебé воззвáх.

**Стих:** Покры́юся в крóве кри́л Тво́их.

**Стих:** Та́ко воспою́ Имени Твоему́ во вéки.

**И паки высочайшим гласом:** Дал еси достояние:

**На стиховне самогласен дне, дважды. Глас 8:**

Возрѣти очима на небо не смѣю окаянный аз, / от лукавых моих деяний; / но яко мытарь стеня взываю Ти: / Бóже, очисти мя грѣшнаго, / и фарисейскаго лицемѣрия избáви мя, // яко еди́н Благоутрѣбен.

**Стих: К** Тебѣ воздвигох очи мой, живущему на небеси. Се яко очи раб в руку господий своих, яко очи рабыни в руку госпожи своея; тако очи наши ко Господу Бóгу нашему, / дондеже ущѣдрит ны.

**Паки таже стихира.**

**Стих:** Помилуй нас, Господи, помилуй нас, яко по многу исполнихомся уничижения; наипаче наполнися душа наша поношения гобзующих / и уничижения гордых.

**Мученичен:**

Мученицы Господни, всяко место освящаете, / и всяк недуг врачуете; / и ныне молитѣ избáвитися сетей вражиих // душам нашим, молимся.

**Слава: святаго Минеи, аще есть. И ныне: Богородичен, по гласу Минеи. Аще же ни, Слава, и ныне: Богородичен, глас тойже:**

Небесная поют Тя, / обрадованная Мати безневѣстная; / и мы славословим неизслѣдованное Твое рождество, Богородице, // моли спастися душам нашим.

**Зде четет предстоятель, аще изволит, по обычаю, акафист Страстем Христовым.**

**Посем: Ныне отпускаеши: И прочее последование, яко в сыропустную неделю указуяся.**

## Неделя четвертая Святых Постов. Инии типицы определиша петися последованию святого Иоанна Лествичника.

На малей вечерни служба вся по Октоиху точию.

На велицей вечерни,

поставим стихов 10, и поем стихиры Осмогласника:

Воскресны 3, и Анатолиевы 4. Таже Триоди подобны 3, глас 8.

**Подобен:** О, пресла́внаго чудесе́!:

**Стих:** Яко у Го́спода ми́лость и мно́гое у Него́ избавле́ние / и Той избáвит Изра́иля от всех беззако́ний его́.

Отче Иоáнне преподо́бне, / вѣну во́истинну / Бо́жия в гортáни возноше́ния носѣл еси́ / поучáяся дѣтельнейшим, / богодухнове́нным словесѣм все́мудре, / и оттúду истека́емою благода́тию обогати́лся еси́, // быв блаже́н, нечестѣвых всех советова́ния низвращáя.

**Стих:** Хвалите́ Го́спода вси язы́цы / похвалите́ Его́ вси лю́дие.

Отче Иоáнне преславне, / слез источники́ душу очистив, / и всенóщными стоя́нии / Бо́га умѣлостивив, / восперѣлся еси́ к любле́нию Сего́ блаже́нне и красоте́; / ея́же досто́йно ны́не наслажда́ешься, / непреста́нно ра́дуясь, / со страда́льцы тво́ими, // богому́дре преподо́бне.

**Стих:** Яко утверди́ся ми́лость Его́ на нас / и ѣстина Госпо́дня пребывáет во век.

Отче Иоáнне преподо́бне, / восперѣв ум к Бо́гу ве́рою, / мирска́го смешѣния / омерзи́л еси́ непостоя́нное; / и крест твой воспри́им, / Всеви́дцу послѣдовал еси́; / тѣло необуздáнное / по́двигами обучѣ́ния, помы́слу порабо́тив, // крѣпостию Божѣственнаго Ду́ха.

**Слава, глас 5:**

Преподо́бне о́тче, / гла́са Ева́нгелия Госпо́дня послу́шав, / мир оста́вил еси́, / богáтство и сла́ву нивочто́же вмени́в. /

Отонудуже всём возопил еси: / возлюбите Бога, и обрящете  
благодать вечную. / Ничтоже предпочтите паче любви Его, / да  
егда придет во славе Своей, / обрящете упокоение со всеми  
святыми, / ихже молитвами, Христе, // сохрани и спаси души  
наша.

**И ныне, догматик гласа. Вход. Свете тихий:**

**На литии же, яко обычно, стихира храма.**

**На стиховне стихиры Осмогласника.**

**Слава, преподобнаго, глас 2:**

На земли ангела / и на небесех человека Божия, / мира  
благоукрашение, наслаждение благих, / добродетелей  
постнических похвалу, Иоанна почтим: / насажден бо в дому  
Божии, процветет праведно, / и яко кедр в пустыни / умножи  
стада Христова словесных овец, // в преподобии и правде.

**И ныне, Богородичен:**

О, чудесе новаго всех древних чудес! / кто бо позна Матерь  
без мужа рождшую, / и на руку носящую, всю тварь  
содержащаго? / Божие есть изволение, рождающееся. / Егоже яко  
младенца, Пречистая, / Твоима рукама носившая, / и Матерне  
дерзновение к нему имущая, / не престай молящи о чтущих Тя,  
// ущедрити и спасти души наша.

Ныне отпускаеши: **По Трисвятом тропарь Богородице Дево:  
дважды.**

**И преподобному, единожды. Глас 1:**

Пустынный житель и в телеси ангел, / и чудотворец явился  
еси, богоносе отче наш Иоанне; / постом, бдением, молитвою  
небесная дарования приим, / исцеляеши недужныя, и души  
верою притекающих ти. / Слава Давшему ти крепость, / слава  
Венчавшему тя, // слава Действующему тобою всем исцеления.

**И прочее последование бдения, яко обычно.**

**На утрени,**

**по шестопсалмии, Бог Господь: во глас Осмогласника, и  
глаголем тропарь воскресен дважды.**

**Слава, преподобному, глас 1: Пустынный житель:**

**И ныне, Богородичен:**

Гавриилу, вещавшу Тебе Дево, радуйся, / со гласом  
воплощашеся всех Владыка, / в Тебе, Святем Кивоте, / якоже



рече́ праведный Давид; / явилася еси́ ширшая небес, / поносивши Зиждителя Твоего. / Слава всельшемуся в Тя, / слава прошедшему из Тебе, // слава свободившему нас Рождеством Твоим.

И прочее все воскресно.

Каноны Октоиха: Воскресный со ирмосом на 4, и Богородицы на 2.

И Триоди на 8. Катавасия: Отверзу уста:

По 6-й песни кондак преподобного, глас 4:

На высотé Господь воздержания / истинна ты положи, / якоже звезду́ нелестную, / световодящую концы, // наставниче, Иоанне, отче наш.

Ексапостиларий утренний воскресный.

Слава: преподобного, писан в Триоди. И ныне: тамже.

На хвалитех поставим стихов 8, и поем стихиры Осмогласника.

Таже, глас 1:

Стих: Воскресни, Господи Боже мой, да вознесётся рука Твоя, / не забуди убогих Твоих до конца.

Приидите делаим в тайном винограде, / плоды покаяния в нем творяще, / не в брашнях и питийх труждающиеся, / но в молитвах и постех добродетели исправляюще; / сими угождаемый Господь дела, динарь подаёт, / имже души избавляет долга греховнаго, // един Многомилостивый.

Слава, паки тойже. И ныне: Преплагословенна еси:

Славословие великое, и тропарь воскресен.

Таже ектении, и отпуст. И стихира евангельская, и час первый.

На Литургии,

изобразительныя, и блаженны гласа. Прокимен апостола, рядового гласа.

Таже преподобного, глас 7: Восхвалятся преподобнии во славе / и возрадуются на ложах своих.

Стих: Воспойте Господеву песнь нову.

Апостол дне ко евреям, зачало 314. Таже преподобного ко ефесеам, зачало 229. Аллилуия, гласа, и преподобного. Стих: Насаждени в дому Господни во дворех Бога нашего процветут.

Евангелие от Марка, зачало 40. И преподобнаго, от  
Матфея, зачало 10.

Причастный: Хвалите Господа с небес: Другий: В память  
вечную:

## В туюжде неделю вечера

на Гóсподи воззвáх: поставим стихов 10, и поем 4 стихиры Осмогласника умилительны, со стиховны вечерни и утрени; и Триоди 3, подобны господина Иосифа. Глас 3.

**Подобен:** Вéлия Крестá:

**Стих:** Аще беззакóния нáзриши, Гóсподи, Гóсподи, кто постоит? / я́ко у Тебе очищéние есть.

Великия, вернии, во время покажем воздержания труды, / я́ко да сла́ву вели́кую получим, / мило́стию Вели́каго Бóга // избавля́еми пла́мене геéнскаго.

**Стих:** Имене ра́ди Твоего́ потерпéх Тя Гóсподи, потерпé душá моя в сло́во Твое́, / упová душá моя на Гóспода.

Время пощения ныне преполовивше, / начало божественнаго жити́я я́ве пока́жем, / и в конéц добродéтельнаго жительства / достíгнути тéпле потщímся; // я́ко да при́йдем сладость нестарéемую.

**Ина стихира господина Феодора, глас 7:**

**Подобен:** Под кров Твой:

**Стих:** От стра́жи у́тренняя до но́щи, от стра́жи у́тренняя, / да упováет Изра́иль на Гóспода.

Преполовивше сей священный пощения путь, / к будущему радостию потецем, / благотворения елеем души помазавше, / я́ко да сподóбимся Христá Бóга нáшего, / и Божéственным страстéм поклонíтся, // предвари́ти и Стра́шное и Святóе Воскресéние.

**И Минеи 3. Аще имать святы́й, Сла́ва: стихиру самогласну. Аще ли несть, Сла́ва, и ны́не, Богородичен во глас Минеи, от меньших.**

**Вход.** Свéте т́хий:

**Прокимен великий, глас 8:**

Не отврати́ лица́ Твоего́ от óтрока Твоего́, я́ко скорблю́, скóро услы́ши мя. / Вонми́ души́ моéй, и избáви ю.

**Стих:** Спасéние Твое́ Бóже, да при́ймет мя.

**Стих:** Да у́зрят ни́щии, и возвеселя́тся.

**Стих:** Взыщíте Бóга, и живá б́дет душá ва́ша.

**И паки высочайшим гласом:** Не отврати́ лица́ Твоего:

**На стиховне самогласен дне, глас 7:**

Виногра́д насади́вый, / и де́латели призва́ый, / близ есть Спас, / приидите, пощения подвижницы, / мзду восприимем, / яко бога́т есть Да́вец и ми́лостив; // ма́ло де́лавше, при́имем душэ́вную ми́лость.

**Ин самогласен, глас 6:**

**Стих:** К Тебэ́ воздвиго́х о́чи мои́, живу́щему на небеси́. Се яко́ о́чи раб в руку́ господа́ий своих, яко́ очи рабыни в руку́ госпожи́ своея́; та́ко о́чи на́ши ко Го́споду Бо́гу на́шему, / до́ндеже уще́дрит ны.

**В** разбойническа́я помыслы впад Адам, / прельстися умом, и уязви́вся душе́ю, / лежа́ше наг заступле́ния; / ни священник же пре́жде зако́на внят ему́, / ниже́ леви́т по зако́не возрэв на́нь; / то́кмо Ты, прише́дый Бо́же, / не от Самарии́, но от Богороди́цы; // Го́споди, сла́ва Тебе́.

**Стих:** Помилуй нас, Го́споди, помилуй нас, яко́ по мно́гу испо́лнихомся уничи́жения; наипа́че напо́лнися душа́ на́ша поноше́ния гобзю́ющих / и уничи́жения го́рдых.

**Мученичен:**

Му́ченицы Твои́ Го́споди, / не отверго́шася Тебе́, / ни отступиша от заповедей Твоих; // тех молитвами помилуй нас.

Сла́ва: **святаго Минеи, аще есть. И ны́не: Богородичен, по гласу Минеи.**

**Аще же ни, Сла́ва, и ны́не: Богородичен, глас тойже:**

Арха́нгельски воспои́м ве́рнии Небе́сный Черто́г, / и Две́рь Запеча́танну войсти́нну. / Ра́дуйся, Ея́же ра́ди отрасте́ нам / Спас всех Христос, Жизнода́вец и Бог; / низложи́, Влады́чице, мучи́тели, / безбо́жныя враги́ на́ша, / руко́ю Твое́ю, Пречи́стая, // упова́ние христиа́н.

**Зде четет предстоятель, аще изволит, по обычаю, акафист Страстем Христовым.**

**Посем: Ны́не отпу́щаеши: И прочее последование, яко в сыропустную неделю указуяся.**

## Неделя пятая Святых Постов. Инии типицы предаша пети в сию неделю последование преподобныя матере нашея Марии Египетския

На велицей вечерни,  
поставим стихов 10, и поем стихиры Осмогласника:  
Воскресны 3, и Анатолиевы 3. И Триоди подобны 3, глас 6.  
Подобен: Всю отложивше:

**Стих:** От стражи утренния до нощи, от стражи утренния, / да уповает Израиль на Господа.

Тебе убо возбраняше честных взирания, / скверн прежде привлеченное сквернение; / твое же чувство, и твоя богомудрая содеянных совесть, / к лучшему тебе обращение содеяша. / На икону бо возревши благословенныя Богоотроковицы, / всех покаявшись прегрешений своих, всехвальная, прежних, // в дерзновении Честному Древу поклонилася еси.

**Стих:** Яко у Господа милость и многое у Него избавление / и Той избавит Израиля от всех беззаконий его.

**Паки таяжде стихира.**

**Стих:** Хвалите Господа вси языцы / похвалите Его вси людие.

Местом поклонившись радостно святым, / добродетели напутное спасительнейшее, / отсюда прияла еси, / и зело потекла еси доброе шествие; / и струю прешедши Иорданскую, / в жилище Предтечево усердно вселилася еси, / и страстей свирепство жительством омрачила еси, / истончающе в дерзновении, / приснопамятная матери, // плотская свойства.

**Стих:** Яко утвердися милость Его на нас / и истина Господня пребывает во век.

**В** пустыню вселившись, / Твоих страстей образы от души отъяла еси, / боговиднейшее изображение в души написавши, / добродетелей виды; / и только просияла еси, / яко и водами легко переходити, блаженная, / и от земли взиматися в твоих к

Богу молений; / и ныне в дерзновении всеславная Марие, / Христу предстоящи, // молися о душах наших.

**Слава, глас 4:**

Очудотвори, Христе, Креста Твоего сила, / яко и яже прежде блудница, / постническим подвигом подвижася; / отнюдуже и немощное отвергши, / доблественно сопротивоста на диавола. / Темже и почесть победыносящи, // молится о душах наших.

**И ныне, догматик гласа. Вход. Свете тихий:**

**На стиховне стихиры Осмогласника.**

**Слава, преподобная, глас 2:**

Душевная ловления, и страсти плотския / мечем воздержания посекла еси; / помысла прегрешения молчанием обучения подавила еси, / и струями слез твоих пустыню всю напоила еси, / и прозябла еси нам покаяния плоды. // Темже Твою память, преподобная, празднуем.

**И ныне, Богородичен:**

О, чудесе новаго всех древних чудес! / кто бо позна Матерь без мужа рождшую, / и на рукуносящую, всю тварь содержащего? / Божие есть изволение, рождающееся. / Егоже яко младенца, Пречистая, / Твоима рукама носившая, / и Матерне дерзновение к нему имущая, / не престаи молящи о чтущих Тя, // ущедрити и спасти души наша.

Ныне отпускаеши: **По Трисвятом тропарь Богородице Дево: дважды.**

**И преподобная, единожды. Глас 8:**

В тебе, матери, известно спасесе еже по образу; / приемши бо крест, последовала еси Христу, / и деючи учила еси презирати убо плоть, преходит бо, / прилежати же о души вещи бессмертной. // Темже и со ангелы срадуется, преподобная Марие, дух твой.

**На утрени,**

**по шестопсалмию, на Бог Господь: тропарь воскресен дважды.**

**Слава, преподобная, глас 8: В тебе, матери:**

**И ныне, Богородичен:**

Иже нас ради рождейся от Девы, / и, распятие претерпев, Благий, / испровергий смертью смерть, / и воскресение явлей,

яко Бог, / не презри, яже создал еси рукою Твоею, / яви человеколюбие Твое, Милостиве. / Приими рождшую Тя Богородицу, молящуюся за ны, // и спаси, Спасе наш, люди отчаянные.

Каноны Октоиха: Воскресный со ирмосом на 4, и Богородицы на 2.

И Триоди 2 канона, на 8. Катавасия: Отверзу уста:

По 6-й песни кондак преподобных, глас 3:

Блудами पहले преисполнена всяческими, / Христова невеста днесь покаянием явися, / ангельское жительство подражающе, / демоны Креста оружием погубляет. // Сего ради Царствия невеста явилася еси, Марие преславная.

Ексапостиларий утренний воскресный.

Слава: преподобных, писан в Триоди. И ныне: тамже.

На хвалитех поставим стихов 8, и поем стихиры Осмогласника.

Таже преподобных, глас 1:

Стих: Воскреси, Господи Боже мой, да вознесется рука Твоя, / не забуди убогих Твоих до конца.

Несть Царство Божие пища и питие, / но правда и воздержание со святостию. / Темже не богати внидут в не, / но елицы сокровища своя в руки нищих влагают. / Сия и Давид пророк учит, глаголя: / праведен муж милуяй весь день, / наслаждаяйся Господеви, / и во свете ходяй не поткнется. / Сия же вся к наказанию нашему писашася, / яко да постыщеся благостию творим, // и даст нам Господь вместо земных небесная.

Слава, паки тойже. И ныне: Преблагословенна еси:

Славословие великое, и тропарь воскресен. Таже ектении, и отпуст.

На Литургии,

блаженна и прокимен рядового гласа.

Апостол дне ко евреям, зачало 321 от полу.

И преподобных, к галатом, зачало 208. Аллилуия гласа.

Евангелие от Марка, зачало 47. И преподобных, от Луки, зачало 33.

Причастный: Хвалите Господа с небес:

## В туюжде неделю вечера

на Гóсподи воззва́х: поставим стихов 10, и поем 4 стихиры Осмогласника умилительны, со стиховны вечерни и утрени; и Триоди 3, подобны господина Иосифа. Глас 1.

**Подобен:** Прехва́льнии мученицы:

**Стих:** Аще беззако́ния на́зриши, Гóсподи, Гóсподи, кто постои́т? / я́ко у Тебе очище́ние есть.

Обнища́в бога́тый, Христе́, / челове́ки обогати́л еси́ безсме́ртием и све́тлостию. / Те́мже обнища́вшего сластми́ жити́я, / добродете́льми мя обогати́, / и убо́гому Ла́зарю сочини́, / бога́того мя муче́ния избавля́я, // и геены́ предлежа́щая мне.

**Стих:** Имене ра́ди Твоего́ потерпéх Тя Гóсподи, потерпé душа́ моя́ в сло́во Твое́, / упова́ душа́ моя́ на Гóспода.

Зло́бою обогати́хся лю́те, и сла́дость возлюбíх, / и сущих в жити́и наслади́хся сласте́й, Гóсподи, / и огню́ геены́ подсужде́н бы́х; / гла́дом та́юща умом, я́ко Ла́заря презира́ема, / пред враты́ Божестве́нных дея́ний поверже́на, // ущедри́ мя, Влады́ко.

**Ина стихи́ра, глас тойже:**

**Подобен:** О́блак Тя:

**Стих:** От стра́жи у́тренния до но́щи, от стра́жи у́тренния, / да упова́ет Изра́иль на Гóспода.

Шесту́ю от честных́ постов́ седми́цу, усер́дно начина́юще, / Гóсподеви́ предпра́зднственное́ пение́ ва́ий принесем́ ве́рнии; / Гряду́щему во сла́ве, си́лою Божества́ во Иерусали́м, умертви́ти сме́рть. / Те́мже угото́вим благоче́стно победны́я о́бразы, / вѣтви добродете́льныя, // Осанна́ вопию́ще Творцу́ все́х.

**И Минеи 3. Аще имать святы́й, Сла́ва: стихи́ру самогласну.**

**Аще ли несть, Сла́ва, и ны́не, Богородичен во глас Минеи, от менших.**

**Вход.** Све́те ти́хий:

**Прокимен великий, глас 8:**

Дал еси́ достоя́ние / боя́щимся Тебе́ Гóсподи.

**На стиховне самогласен дне, глас 1:**

Чу́ден Спа́сов нас ра́ди человеколю́бивый нрав, / хотя́щих у́бо бы́ти ра́зум, / я́ко настоя́щих стяжа́в, / Ла́зареву и бога́того



жити́е обличи́. / Обою́ коне́ц смотря́юще: / о́ваго у́бо бежи́м немилосе́рдия и безчелове́чия, / о́ваго же поревну́им терпе́нию и веледу́шию, / во е́же с ним во авраа́млих недра́х гре́емым вопи́ти: // Правосу́де Го́споди, сла́ва Тебе́.

**Стих:** К Тебе́ воздвиго́х о́чи мой, живу́щему на небеси́. Се я́ко о́чи раб в руку́ господа́и́ своих, я́ко о́чи рабы́ни в руку́ госпожи́ своея́; та́ко о́чи на́ши ко Го́споду Бо́гу на́шему, / до́ндеже ущэ́дрит ны.

**Паки таяжде стихира.**

**Стих:** Помилуй нас, Го́споди, помилуй нас, я́ко по мно́гу испо́лнихомся уничи́жения; наипа́че напо́лнися душа́ на́ша поноше́ния гобзую́щих / и уничи́жения го́рдых.

**Мученичен:**

Молитвами, Го́споди, всех святы́х и Богоро́дицы, / Твой мир даждь нам, и помилуй нас, // я́ко еди́н Щедр.

Сла́ва: **святаго Минеи, аще есть. И ны́не: Богородичен, по гласу Минеи.**

**Аще же ни, Сла́ва, и ны́не: Богородичен, глас тойже:**

Небе́сных чино́в ра́дование, / на земли́ челове́ков крѣпкое предста́тельство, / Пречи́стая Де́во, / спаси́ ны и́же к Тебе́ прибега́ющия, / я́ко на Тя упова́ние // по Бо́зе, Богоро́дице, возложихом.

**Зде четет предстоятель, аще изволит, по обычаю, акафист Страстем Христовым.**

**Посем: Ны́не отпу́щаеши: И прочее последование, я́ко в сыропустную неделю указуяся.**

**И престаю́т зде Недели́ Триоди Постной, Цветоносия и Страстей Христовых ради, с тем коне́ц книги сей, и Богу слава.**

## Примечания

<sup>1</sup> - Мы рекомендуем комбинировать проведение воскресных служб по этой книге с будничным служением по изданию «Седмичные службы Великого поста» М., Изд. Паломник, 1999 г.

<sup>2</sup> - В это и все последующие воскресения Триоди постной Минея оставляется, служба только по Октоиху и Триоди. Исключением являются такие службы из Минеи, как Сретение Господне с предпразднством и попразднством, великие святые, храмовые святые. О порядке соединения см. Марковы главы, стр. 70.

<sup>3</sup> - Заключенное в квадратные скобки – до возгласа “Слава Тебе, Богу, Благодателю нашему, во веки веков” – бывает в кафедральных соборах, однако по обычаю может петься и в приходских храмах. Возгласение Кто Бог велий: – не прокимен, а троекратная велегласная молитва, аналогичная венчальному возгласу: Господи, Боже наш, славою и честью венчай я.